

3 lucky winners will WIN A RETURN TRIP TO WATCH MANCHESTER UNITED IN SYDNEY

PRIZE INCLUDES

- 1 Game Pass
- Travel Allowance
- A return ticket
- Accommodation for 2 nights

Visit your nearest Telkom Shop now!

24/7 Customer Care Call 345 6789 or www.telkompng.com.pg




POWER UP & STAY CONNECTED

Bain wimpla Digicel 3G+ modem na bai yoo kisin 200MB FRI Data.

Kam insait lo stoa tude!

200MB FRI DATA







DIGICEL 3G+ MODEM

ONLY K79



Nupela Pinga prin masin...



Yia bilong mekim wok: Australia Federal Polis i helpim ol Forensik Polis bilong yumi wantaim ol nupela wok masin. *Stori insait long pes 2...*



Mada's De Saplimen insait - P7,8,9,20



Sen Charles L'wanga kisim ol nupela bilding- **Pes 6**

Gerehu haus sik stori poto...



Praim Min-ista bilong Australia kam tude- **Pes 10**

GLOBE More Easy, More Tasty, More Energy

CORNED BEEF WITH CEREAL



GLOBE ...the perfect choice






Mista Martin Dihm, Het ov EU Delegatesen wantaim ol pikinini long Maprik long taim bilong opim rural wara saplai bilong Maprik Stesen. Foto: EU

PNG i no wokim gut long HDI



LONS: UNDP Kodineta, David Malachlan-Karr, na Minista bilong Nesenel Plening na Monitoring, Charles Abel, i katim riben long lonsim 2013 UNDP HDI ripot. Foto: Veronica Hatutasi

Veronica Hatutasi i raitim

MASKI PNG i gat planti naturel risos, em i stap long las 30 kantri long wol we Humen Developmen Indeks (HDI) level bilong ol i stap daunbilo yet.

HDI em mak we ol i skelim wok developmen long ol kantri long wol. Helt na moa yet helt bilong ol mama na pikinini i wokim gut o nogat, skelim long ol bebi krismas bilong ol long 5 yia i go daun long ol dispela mama i karim tasol i dai na karim pikinini na i dai, Edukesen na mak long pipel long kantri i save gut long rit na rait, na infrastraksa olsem rot, bris, ples balus we kantri na pipel i yusim long kamapim developmen na tu, kisim ol sevis i go aut.

Australia, Amerika, Nu Silan, Japan i stap long top 10 lista HDI wantaim ol kantri long Yurop we Norway i kamap

namba 1 na Australia i kamap namba 2.

Foapela liklik Pasifik neiba kantri bilong PNG we i nogat planti naturel na mineral risos em long Fiji (96), Palau (52), Samoa (96) na Tonga (95) i wokim gut na i stap long medium o namel level.

PNG i kamap namba 156 kantri taim Solomon Ailan i kamap namba 143 long 185 kantri long wol ol i skelim ol long wok go het long tripela eria na ol i stap long laspela level wantaim ol turangu kantri long Sab Sahara na Afrika rijen.

Ol dispela ripot i kamaut long lons bilong 2013 Yunaitet Nesens Developmen Progrem (UNDP) long Pot Mosbi long dispela wik Tunde.

UN Residen Kodineta long PNG, David Malachlan-Karr i tok tru PNG i stap long lowa level bilong wol HDI mak, em i mekim gut long tupela eria.

Wanpela em long pipel long PNG nau i wok long stap laip longpela taim na make em 63 krismas. Long 2010, mak we pipel i bin stap laip na dai em 61 yia.

Narapela em long "Income" o namel mani mak pipel long PNG i kisim i go antap long K23,000 mak. Long yia 2010, manimak i bin stap long K12,000.

Tasol Mista Mclachlan-Karr i tok ol no tilim gut mani o ol risos moa yet, long ol helt na edukesen na rot bilong mekim mani eria.

Wantaim het tok bilong ripot, "The Rise of the South: Human Progress in a Diverse World", ripot i tok wok mani long planti kantri long Saut i wok long kam antap nau long salensim ol dispela long Not.

Na Saina i kamap olsem namba tu strongpela ikonomi long wol, winim Japan tu.

Ripot i bin tok wanpela strongpela mesej bilong 2013 Humen

Developmen ripot, ikonomik groa i no min olsem HDI bilong kantri bai kamap gut, nogat.

"Sapos i nogat gutpela polisi o bikpela invesmen long pipel wantaim fokas long edukesen, nutrisen na helt, save na wok, inap kamapim gutpela wok na go het bilong kantri," ripot i tok.

Nupela Pinga prin masin

Ol Australia Federal Polis i givim ol nupela samting olsem, masin bilong kisim pinga prin, kemra, na ol masin bilong glasim ples birua i go long Forensik Polis bilong yumi. Dispela ol nupela masin nau bai helpim dispela saintis polis bilong yumi long mekim wok gut na isi tru.

Forensik Polis em wanpela bilong strongpela han bilong Polis Fos insait long kantri long wanem ol i gat rekot bilong olgeta pinga mak ol stil na trabol manmeri stap taim ol mekim trabol.

Dispela ol nupela masin tu bai helpim wok bilong ol taim ol pablik manmeri laik kisim pinga prin bilong ol long painim wok o kisim klia tok-tok.

Polis komisina Tom Kulunga i tok tenkyu long Australia Federal Polis na tok ol polis manmeri bilong en long Forensik Polis olsem dispela yia em taim bilong mekim wok na dispela ol nupela samting ol mas lukaut long mekim wok. Foto Stori Nicky Bernard.

Hap Hap Nius Hap Hap Nius Hap Hap Nius Hap hap Nius

Mama kalabus

1-OL i putim wanpela mama long Ingran long stap 5-pela yia long kalabus bihain long em i bin fosim pikinini meri bilong em long gat bel. Mama ya i bilong Amerika na i bruk marit wantaim man bilong em, tasol em i stap long Ingran wantaim tripela pikinini em i kisim na lukautim olsem long em yet. Tasol em

bin laikim wanpela moa pikinini na i fosim pikinini meri i gat 14 krismas long sutim em yet wantaim nideli i gat "sperm" o kiau bilong man i save wokim pikinini, na em bin gat bel long en. Mama ya i bin odaim kiau long intanet long wanpela kampani i save salim ol kiau long kantri Denmark.

Hai Kot long Ingran i bin harim kot na tok mama ya i bin selpis na no gutpela pasin na putim em long 5-pela yia kalabus.

Wok painim long bagarapim blek minista

GAVMAN bilong Itali i odaim wanpela wok painim long ol "raitwing" websait husat i agensim namba wan blekpela gavman minista, Cecilia Kyenge, wanpela dokta bilong ai we mama i karim long Congo, Afrika, tasol em i wanpela sitisen bilong Itali.

Kyenge i wanpela long ol 5-pela meri long nupela gavman bilong Prait Minista Enrico Letta we ol bin tokaut tasol long las wik. Ol lain i no save laikim ol blekskin lain i wok long kolim bikmeri ya ol kain nem nogut long bagarapim emlong websait. Ikwat Oportuniti Minista, Josefa Idem i odaim wok painimaut long dispela na askim polis long pasim o stopim ol websait i bagarapim meri ya.

PAC askim Fainens dipatmen long peim K70m long NHC

Stanley Nondol i raitim

BIKPELA tok pait i kamap aste namel long dipatmen bilong Fainens na Nasanel Hausing Korporesen o NHC taim Pablik Akaun Komiti o PAC siaman John Hickey askim Fainens long K70 milian rent mani bilong NHC we Fainens i bin kisim long pei bilong ol pablik seven olsem rent mani.

Tok pait i kamap wantaim Menesing Darekta bilong NHC, John Dege na Deputi Sekretari bilong Fainens, Jacob Yakai, long taim bilong PAC inkwari go insait long NHC na dipatmen bilong Lens long trensfe na salim bilong gavman haus stap aninit long NHC na wanem pat Fainens, Lens dipatmen na NHC i pilaim long ol gavman haus.

Mista Hickey askim Yapai bilong wanem na Fainens i no peim K70milian i go long NHC. Mista Hickey tok dispela em rent mani we ol pablik seven peim long potnait mani long usim NHC haus na dipatmen bilong Fainens ekt olsem ejen long kolektim pablik mani tasol bilong wanem as tru na olim bek dispela mani long planti yia na i no givim long NHC.

Mista Yapai tok Fainens Dipatmen long rekord bilong en siom olsem em bai peim K38.8milian go long NHC na I no K70 milian na sutim tok long NHC long i no gat gutpela rikod bilong akuting system na no save hamas tru bai em kisim. Mista Yapai tok Fainens dipatmen mekim wanpela sabmisin pinis long minister James Marape long kisim tok orait long NEC long ol ken peim NHC K38.8 milian long 2014 baset na ino K70m we PAC siamen Hickey na Mista Dege tok long en. Tasol Mista Dege tok NHC gat gutpela riokd na akuting sistem stap na tok moa olsem planti taim em save go askim Fainens long dispela mani tasol Fainens save les tru long arim na ino bin peim.

Mista Hickey i no wanbel tru na tok dispela em bikpela hevi na pablik mani we kamaut long potnait bilong pablik seven na mas go stret long rot bilong em. Em les tru long arim tupela man sutim tok go kam na tok em bai lukluk moa long dispela.

Mista Hickey tu askim Odita Jenegel sapos i gat odit ripot bilong ol dispela mani tasol opisa bilong Odita Jeneral tok NHC i no save givim ol gutpela o inap infomesen long mekim odit,

tasol Mista Dege tok NHC gat inap infomesen na ol fail o rekord pulap stap nau. Mista Hickey tok Odita Jeneral tu I peil long wok bilong na nogat gutpela Akauting na audit ript bilong NHC na lend dipatmen.

Mista Hickey long PAC inkwari tok bikpela hevi tru stap wantaim NHC na Lens. Em tok planti ol pablik seven husat peim rent o baim haus

bilong NHC aninit long agri- men na loa tasol NHC na Lands i no save givim taitol hariap na em save kisim planti yia tru na plenty taim taitol save go long han bilong man ino baim propeti long pasin korapsen na ol save yusim Polis na rausim tenen kam aut.

PAC inkwari tok NHC i gat fail long planti samting aninit long loa na sampela bilong

en em; -NHC nogat gutpela rekord bilong akaunting sistem long las 20 yia -Nogat inap o gutpela rekord bilong propeti we stap aninit long NHC.

-NHC planti taim I asua long transferim propeti go long raitpul ona na peil long veluim propeti na i no bihanim taxis loa bilong kantri.

NHC I asua long menesim rentel mani na lukim bikpela milian kina bilong pablik i lus Dispela em ol sampela tasol gat planti moa we NHC i fail long en

Siaman John Hickey tok NHC na Lens dipatmen gat bikpela hevi tru na tok PAC bai lukluk go insait moa long tupela dipatmen na surukim inkwari go long bihain taim.

Ipatas laikim ECP polis kam bek long PNG

ENGA Gavana Pita Ipatas I singaut long gavman bilong Praim Minister Peter O'Neil long tokotk wantaim Australia Praim Minister Julia Gillard taim em kam long kantri dispela wik na kisim ECP polis kam bek long kantri.

Gavana Ipatas aste long Pot Mosbi, tok loa na oda hevi long kantri em bikpela tru na tok ECP polis em ol gat inap risos na save long helpim gut wok bilong polis long daunim hevi bilong loa na oda na em I tok Praim Minister Peter O'Neill na Miss Gillard mas toktok long kisim kam bek ECP polis we Pastaim Morobe gavana Luther Wenge rausim ol go bek bihain long winim suprim kot 2005.

Enga Gavana tok maski gavman toktok long mekim kankain developmen long helt, edukesen na ol arapela, tasol loa na oda em namba wan samting we gavman mas lukluk na stre- tim. Ipatas tok sapos loa na oda hevi stap yet bai lukim

ol sampela developmen eria bai bagarap.

Mista Ipatas tok bikpela tokotk pairap long kantri nau long gavman long mekim kamap loa det penlti na strongim kriminal loa bihain long kantri bungim planti hevi bilong pasin rep na meda na ol arapela bikpela hevi, tasol Gavana Ipatas tok loa na oda long kamapim seip ples bilong komuniti na ol pipel bai gat fridom long amamas long laip bilong ol yet em bikpela samting.

Lida bilong Pipol's Pati stap long kolisin gavman bilong O'Neill tok loa na oda hevi em antap moa na kampim prèt nau dispela taim. Em singaut long gavman long lukluk gen long loa we rausim ECP polis wantaim tingting long kisim kam bek.

Mista Ipatas laikim gavman bilong Australia na PNG mas toktok moa long hevi bilong loa na oda taim Australia Praim Minista Julia Gillard kam long kantri tumora.

Savings Secured Loan

A choice to SAVE & PAY

- ✓ Grow your savings while paying off your loan
- ✓ 48 hour approval and disbursement
- ✓ Earn higher interest on your savings
- ✓ No monthly fees

A Savings Secured Loan uses your personal savings in your account as collateral to take a loan.

320 1212 / 7030 1212
 servicebsp@bsp.com.pg
 www.bsp.com.pg

Like us on

Official Sponsor of the 2015 Pacific Games

TELE Apdeit

Konektim skul bilong yu long intanet

Yu ken yusim ADSL o long ol telepon lain, o long waiates (WiMAX) wantaim ol Telikom Skul Pokes plen:

- PostPaid Pokes**
- Telinet Skul 1,000MB
- Telinet Skul 2,000MB
- Telinet Skul 3,000MB
- Telinet Skul 4,000MB

Fri Daunlod

- 1GB, 2GB, 3GB, 4GB

Rent long olgeta Mun

- K50, K80, K113, K150

Ekses Sas long wan wan MB

- 0.11, 0.11, 0.11, 0.11

● Namba wan luksave bai go long ol skul i no konek yet long intanet.

● FRI Instolesen

● Karamapim olgeta bikpela siti na eria Telikom i gat siknel

Ol askim: Email sales@telinet.com.pg o Telepon 3025500 o 3025554

Winim raun i go lukim Manchester United

Kamap wanpela long tripela laki wina long winim wanpela riten trip i go long lukim Manchester United i salensim A – League All Stars long ANZ Stadium long Sydney dispel mun Jul.

Prais em:

- Wanpela Gem Pas o tiket
- Wanpela balus tiket
- Tupela nait silip
- Travel Alawens

We bilong Winim

Spendim K200 o moa long wanem ol Telikom Prodak long wanem ol Telikom Stua, raitim nem na address bilong yu long baksait bilong risit, dropim insait long bokis, long wanem ol Telikom Stua, na go insait long droa long win.

19t/MB

Hamamas wantaim Prepaid 19 toea of-pik intanet ret namel long 7am-7pm. I nogat hevi long en.

Long save moa, ringim 24/7 Kastoma Kea long 3456789.



Call 1447
Customer Care on 345 6789

nius Buang winim graun long Bulolo

Bustin Anzu i raitim

MAI Klen bilong Buang long Morobe provins i winim kot bilong graun long wanpela namba wan Lokol Lens Kot long Bulolo long las wik Fraide.

Tasol planti ol papa graun ino wanbel long dispela disisen na tok long kisim i go long narapela kot antap.

Dispela kot i bin kamap long Bulolo distrik kot haus we i lukim 32 papa graun i bung long harim husat bai kamap papa graun bilong graun namel long Baiune i go long Cliffside, arere long Bulolo taun.

Siaman bilong dispela lokol lens kot, Kewei Kawi-Li i bin painim olsem ol Mai klen bilong Bulolo, we Neil Baru i go pas long en, em ol papa graun bilong graun stap namel long Baiune i go long Cliffside, arere long Bulolo taun.

Dispela kot long Bulolo i bin kamap long painim tupela papa graun.

Wanpela em long Baiune i go long Cliffside na narapela em long Bulolo taun.

Tasol Bulolo taun kot em lokol lens kot i putim i go long narapela taim bihain.

Long taim bilong kot, siaman Kawi – Li i tok kot i bin kisim longpela taim long kamap long dispela kot long painim aut husat tru em papa bilong graun long wanem, i gat 32 kleims na dispela em i wanpela longpela proses stret.

Kot i bin painim aut olsem ol stori we Baru wantaim ol lain bilong en i



Neil Baru: I amamas bihain long lokol lens kot i luksave olsem Baru wantaim ol Mai klen em ol papa bilong graun namel long Baiune i go long Cliffside, arere long Bulolo taun.

Daunbilo-Ol manmeri: Ol manmeri i pulmapim tru Bulolo distrik kot long harim disisen bilong graun.



givim i go long kot em i narakain olgeta long ol narapela papa graun. Ol narapela papa graun i bin givim wankain stori tasol stori bilong Mai klen i narapela long ol. Olsem na kot i lukim olsem ol em tru tru papa

graun. Kawi – Li, husat em sinia provin-sel majistret bilong Vanimo Distrik Kot, i tok tu olsem planti bilong ol stori we ol i givim long pepa o stemen i no gutpela tumas, na i no bi-

hainim rot bilong givim stori tasol kot i bin luksave long olgeta stori na stetmen long wanem, em kot bilong graun.

Siaman i tok tu olsem sapos ol i no amamas long dispela kot disisen, ol i ken apil i go long bikpela kot, em provin-sel lens kot insait long 3-pela mun tasol. Na sapos ol i abrusim dispela mak, em bai kot rausim ol apil bilong ol.

Baru i amamas long dispela disisen bilong kot long Bulolo long wanem, kot i luksave olsem ol em papa graun bilong dispela graun we kot i bin stap longpela taim tru. Planti laip i tingting long harim disisen bilong dispela graun na i lus tasol gutpela long kot i kamapim disisen.

Em i tok tu olsem dispela rot o we bilong kamap long kot i longpela stret tasol ol i stap isi tasol na bihainim na nau kamap long mak bilong en.

Bihain long kot, planti papa graun ino amamas long dispela disisen bilong kot long givim i go long ol Buang na tok long apil.

Ol lain olsem Baglum, Sambio, Watut na Biangai ino amamas long dispela kot disisen long wanem, ol i tok ol dispela lain Buang i stap baksait long ol narapela lain husait i stap pas long ol na olsem wanem ol i kalap i go long fran na tok ol papa graun na kisim dispela graun.

Ol i tok ol i wait long risening (skelim tingting) bilong kot we sia man bai kamapim. Taim ol i kisim dispela pepa, ol bai apil.

EU laikim kes krop bilong PNG

Frieda Sila Kana raitim

MAY 9, 2013 em i makim 63 yia bilong stap wanbel na wok bung bilong 27 kantri ananit long European Union (EU).

Europ De i bin kamap long taim Foren Minista bilong kantri Frans, Mista Robert Schumann i bin kirap na i tok long mekim laip hat long ol lain i kamapim bikpela pait wantaim ol masin gan long Europ na mekim wok bilong bringim bel isi na kamapim developmen long ol kantri bilong ol yet, na long arapela hap bilong wol.

“Europ De em i wanpela gutpela taim bilong selebretim ol gutpela wok EU i bin kamapim insait long 63 yia stat long 1950 i kam i nap nau,” Ekselensi, Martin Dihm, Het ov Deligesen bilong EU long PNG i tok

Nambawan samting ol i mekim em long kirapim wanpela bikpela bodi long Brussels, Belgium long stopim o daunim ol bisnis bilong painim koul na stil, em ol ain samting we ol i save yusim long mekim gan na ol bom bilong bringim pait na bagarapim sindaun bilong ol pipel.

“EU em i wanpela stori bilong kamapim bel isi long wol,” Mista Martin Dihm, Het bilong EU delegesen long PNG i tok.

Namba wan bikpela pait long wol (WW1) na namba tu bikpela pait (WW2) i bin stat long Europ na bihain i go long olgeta hap bilong graun, olsem na Schumann i kirap na i tok inap long kamapim pait na ol kantri bilong Europ i mas bung wantaim, paitim toktok na helpim ol yet. Nau EU em i wanpela gutpela poroman bilong PNG na ol arapela kantri long wol long bringim bel isi



Wanpela wok mak bilong EU long makim 63yia long wokbung wantaim 27 kantri ananit long European Union. Foto: EU

na developmen insait long ol ples.

Mista Dihim i tok, ol bisnis man meri bilong Jemani i save laikim tumas ol agrikalsa kes krop bilong Papua Niugini bikos graun bilong PNG i gat gutpela gris tasol i nogat rot long kantri long yumi bai salim moa agrikalsa kes krop i go ovasi. Gavman i mas helpim ol rural fama long lainim moa gutpela we bilong planim na groim ol kes krop bilong ol.

51 pesen bilong wok helpim insait long wol i save kam long Europ na em i gat maket bilong 500 milien pipel long baim ol samting bilong arapela kantri, em PNG i wanpela bilong ol. Papua Niugini yet i kisim helpim long 10,000 manmeri i kisim wok mani long ol kampani olsem Tuna paktori long Lae, Madang na ol arapela kampani. Dispela ol kampani i kam aninit long Tred Agrimen bilong

PNG na EU. Nau long Jun 10, 2013 wanpela moa tuna paktori bai i op long Lae, Morobe Provins na dispela bai givim 6,000 moa man meri long wok mani bilong redim na salim ol tin pis i go long Europ.

EU i helpim PNG long tupela rot. Wanpela em long Tred, helpim long kamapim mani na narapela long Aid, em long helpim long ol sosol developmen.

Aninit long Tred em, EU kantri i kamap ol lain bilong baim ol kago o kes krop i kam long PNG olsem suka, tin pins, wel pang, kopi, kokoa, ol spais olsem lombo, kawawar, kepsikum na ol kain samting olsem tasol olgeta i go olsem nupela yet, i no go long paktori. insait long dispela Tred Agrimen wantaim PNG, EU bai traim long baim moa ol ekspot agrikalsa kes krop, tasol EU laik strongim PNG long em i mas kirapim moa ol

pektori long kamapim ol samting bilong salim i go ovasi na tu bai givim moa wok long olgeta man meri.

Insait long Aid, EU i save givim bikpela helpim long sapotim ol Praimeri Edukesen, Wara Saplai na Senitesen. Tupela wik i go pinis, aninit long dispela agrimen, EU i bin bung wantaim Water PNG na Maprik Distrik long opim wanpela rural wara saplai long Maprik taun long is Sepik Provins. Mista Dihm i tok, rural developmen em i nambawan bikos 80 pesen bilong Papua Niugini i save stap yet long ol rural eria.

“Mipela helpim Papua Niugini long salim ol agrikalsa kes krop bilong ol insait long Europ kantri. Ol Europ kantri i save laikim samting i kam long PNG bikos graun bilong PNG i gat planti gris,” Mista Dihm i tok.

Dispela Tred sapot progrem i wok wantaim ol gavman opis olsem Tred, Komes na indastri, NAQIA na PNG Kastoms. EU i bin wanbel long givim 300 milien kina insait long 5-pela yia stat long 2009 i kam i nap long 2013 na bai pinis long dispela yia. Long 2014 i go narapela 5-pela moa yia bai wankain agrimen i stap yet. Dispela i mekim EU i kamap namba tu bikpela dona bilong givim mani long PNG, namba wan em Australia.

EU i save givim mani tu bilong helpim long daunim ol hevi bilong taim bagarap olsem, mauten paia, sunami, graun guria na bruk, na tu em i save givim mani bilong trenim ol lain long redi long ol kain taim bai kamap.

Simbu stap namba wan ples long sevis deliveri: Ripot

Stanley Nondol i raitim

WANPELA ripot bilong Nesnel Ekenomik na Fiskel Komisn o NEFC, we kam aut long las wik i tokaut olsem Simbu Provins i stap namba wan ples long sevis deliveri aninit long Midium Tem Developmen Streteji namel long 5- pela yia.

NEFC kamapim wanpela ripot long ol wok wanwan provins i mekim long ol mani we gavman bin givim long

wanwan yia long mekim karim kaikai MTDS plen bilong gavman. Dispela MTDS em bikpela progrem we gavman laikim wanwan provins long spendim gut mani long stretim helt, edukesen, wok agrikalsa, rot na bris na ol arapela liklik sevis we ol pipel save yusim olgeta de.

Bihain long faivpela yia namel long 2007 na 2011, NEFC ripot soim klia olsem faivpela provins tasol i mekim gut wok aninit long MTDS wantaim Simbu

provins stap namba wan ples.

NEFC long ripot bilongng em tok gavman bin apim mani bilong provins go antap moa tasol faivpela provins tasol i yusim mani long ol bikpela we stap long plen bilong gavman na dispela ol provins em Simbu, Sentral, Sandaun na Milen Be.

Ol dispela province bin yusim gut mani long tripela yia long 2009, 2010 ma 2011. NEFC taim lonsim dispela ripot long Mosbi las wik

tok nau em taim bilong lukluk bek long pastaim wok na stretim gut rot bilongng yusim mani na wok hat long ol ples lain bai kisim sevis long dispela yia go antap.

Ripot tokaut olsem spendim eria aninit long MTDS long Morobe provins i kam daun long las tripela yia na Niu Ailain provins spendim moa long edukesen na winim helt , agrikalsa na ol arapela eria. Ripot tu tok olgeta provins i lukim mekim gut wok long helt sekta wantaim Sentral, Manus na Galp

provins stap antap long givim helt sevis long ol pipel na spendim moa long 50 % long provinsel baset bilong ol.

NEFC , husat save go pas long glasim wok bilong provins na inta- gavman tok, dispela ripot ol kamapim long glasim na skelim gut wok bilong wanwan provins na laik klia long wanem hap ol provins spendim mani na wanem hap i gat nid long spendim moa aninit long MTDS long givim sevis long ol pipel.

Nesnel gavman long olgeta baset bilong en save toktok strong long ol provins na distrik mas kamapim ple bilong distrik na provins mas kam long lain wantaim MTDS na dispela lukim planti provins i no bihainim gut maski bikpela milian ol save kisim long DSIP na PSIP wantaim ol arapela gren na intanel reveniu.

Dispela ripot bilong NEFC tok i gat bikpela nid long gavman bai spendim moa mani long mekim karim kaikai MTDS.

Polis tok tenkyu

Bustin Anzu i raitim

POLIS long Morobe i amamas long luksave bilong ol stekholda bilong Bulolo long helpim ol polis long taim bilong harim disisen bilong kot bilong graun long Bulolo long las wik.

Dispela lens kot graun bilong Baiune i go long Cliffside em wanpela longpela kot we i bin kisim longpela taim long kamap wantaim dispela disisen.

Provinsel Polis Komanda bilong Morobe Superintenden Leo Lamei i tok tenkyu long pablik na praivet sekta long givim han long dispela polis oporesen bilong ol long Bulolo long taim bilong harim kot bilong graun.

“Mipela tok tenkyu na amamas bilong mipela long Memba bilong Bulolo Sam Basil, Bulolo distrik administresen, distrik Administreta, Bulolo Forest, Morobe Mining Joint Venture na ol narapela manmeri husat i givim han long mekim kamap dispela polis oporesen i kamap gut,” PPC i tok.

Em i tok ol i bin kisim planti toktok olsem bai i gat sampela hevi o trabel long disisen bilong kot tasol nogat. Ol manmeri i kisim dispela tok disisen wantaim bel isi na igo na sapos ol i no wanbel long dispela disisen, ol i ken apil i go long narapela kot antap.

Em i tok tu olsem kain kot bilong graun em ol strongpela kot na save kamapim planti trabel

long ol lain we ol i no save amamas long disisen bilong kot tasol ol lain Bulolo i no mekim sampela nois bihain long dispela kot disisen na go long ples.

Distrik Administreta Tae Guambalek i tok olsem Bulolo em ples bilong ol na gavman sevis i stap bilong olgeta long kisim sevis na ol mas noken wokim trabel. Ol i bihainim dispela na nogat samtting i kamap long Bulolo taun na amamas long tingting bilong ol pipol bilong em.

Distrik Administreta tu i amamas long polis long kamap long Bulolo long stap wantaim ol na harim dispela tok disisen. Wokabout na raun bilong ol long Bulolo taun na ol ples klostu i helpim ol long noken kamapim trabel o birua long ples bilong ol yet.

Em i tok tu olsem pait i no wanpela rot bilong daunim hevi tasol em save kirapim moa trabel na gutpela pasin na rot em long ol i go bek long kot haus sapos ol i no amamas long ol disisen bilong kot.

“I gat rot i stap long kamapim gen dispela kot. Kot i no pinis long hia. Ol no amamas orait, ol mas go bek long kot long stretim,” em i tok.

Kot bilong Bulolo taunsip bai kamap long narapela taim bihain. Ol manmeri i ting olsem dispela kot tu bai kamap long dispela taim tasol, kot i tok dispela disisen bilong graun bai kamap long narapela taim bihain.



GEREHU HAUS SIK: Dua bilong go insait long Gerehu Haus sik. *Poto: Veronica Hatutasi*

AGRICULTURE TRACTORS



- Slashers
- Disc Ploughs
- Disc Harrows
- Post Hole Augers
- And Other Attachments for Farming

90hp

70hp

50hp

AGMARK MACHINERY

PORT MORESBY: 323 5572 | LAE: 472 6324 | KOKOPO: 982 8748
machinery@agmark.com.pg

BEYOND BOUNDARIES

SUNDAY, 6PM - 6.30PM

Topic of the week:

Chikungunya Viral Mosquito Disease in Papua New Guinea



FM100

PNG's Information & Music Leader

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMAMAL 100.8	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

Sen Charles L'wanga kisim ol nupela skul bilding ...Gutpela wok patna

OL sumatin na tisa bilong Sen Charles L'wanga Hai skul, Gerehu insait long Nesenel Kapitel Distrik (NCD) i ken mekim gut wok na kisim gutpela lainim na tok tenkyu i go long gutpela wokbung namel long Katolik Asdaiosis bilong Pot Mosbi, ol papamama na PNG Sastenebol Developmen Program (PNGSDP).

Long dispela wik, skul na ol patna i bin putim mani wantaim, i bin opim nupela dabel stori bilding klasrum blok i gat long em 6-pela klasrum na wanpela opis.

Dispela i min olsem ol sumatin na ol tisa nau i ken lusim ol olupela woksop na ol liklik haus we ol i wok long yusim long skul long ol.

Olgeta manimak ol bin yusim long sanapim 6-pela klasrum na opis blok projek em K984,000.

Long dispela, Misssionary Brothers of St Gabriel husat i ranim skul i bin putim K461,891 taim skul yet na ol papamama i bin putim K250,360. Pot Mosbi

Katolik Asdaiosis i putim K24,000 na PNGSDP i bin putim K247,749.

Sif Eksekutiv Opisa bilong PNGSDP, David Sode, i autim tok amamas bilong em long Katolik Asdaiosis bilong Pot Mosbi na moa yet, ol Misssionary Brothers of St Gabriel long luksave long samting we skul i gat nid long en na mekim samting long painim mani long sanapim ol skul bilding.

"Gutpela mak ol sumatin bilong Sen Charles L'wanga Hai skul i kisim i sapotim askim bilong helpim mani long sanapim ol skul bilding. Mi amamas olsem kampani bilong mi i sapotim skul we i givim sans long moa sumaitn i kisim hai skul edukesen," Mista Sode i tok.

Em i luksave tu long fanding bilong ol Bruder, skul na ol papamama na Katolik Asdaiosis bilong Pot Mosbi i bin putim long helpim sanapim na pinisim projek.

"Projek i no nap kamap sapos i nogat fanding i kam

long ol pati i stap insait long projek. Olsem wanpela fanding ogenaísesen, mipela i save laik lukim dispela, ol projek patna i komitim fanding pastaim PNGSDP i givim helpim bilong em," Mista Sode i tok.

Wok long sanapim ol bilding i bin kisim 8-pela mun bihain ol bin statim long mun Septemba las yia.

Ol bin kirapim dispela hai skul long yia 2007 bihain long luksave olsem moa sumatin i pinisim Gret 8 long siti, tasol i nogat inap skul.

Olsem na Katolik Sios i papa long dispela skul i bin tanim Sen Charles L'wanga Vokesenel skul i go long wanpela hai skul.

Nau skul i gat 412 sumatin i wokim Gret 9 na 10.

PN GSDP i sapotim skul long namba wan taim long yia 2011 long baim ol laibreri buk, ol kompyuta masin na ol narapela samting we skul na opis i laikim long em.



BOSMERI: Sister In Sas (OIC) long Gerehu Sen John's Gerehu Haus sik, Sister Rachael Kurup, wantaim wanpela long ol nupela masin. *Poto Veronica Hatutasi*



NDB INVESTMENTS LIMITED
"Promoting our own Indigenous Business"

PABLIK NOTIS – STRET PASIN BISNIS SKIM 2013

Nesenel Developmen Benk i gat bilip bilong strongim ol Asples Bisnis long PNG. Aninit long han-bisnis bilong en, NDB Investments Ltd, em bai go het wantaim rol-aut bilong Stret Pasin Bisnis Skim (SPBS) long namba tu hap bilong 2013.

Long 2012, mipela i askim long ol aplikesen aninit long dispela skim. Mipela i kisim bikpela bekim tru, wantaim moa long 4,000 man na meri tim i soim laik.

Long 2013, NDBI Ltd bai givim namba wan 5-pela projek aninit long dispela skim i go long top 5-pela apliken we wanpela bai kam long wanwan rijen, na wanpela long NCD.

Long 2014, mipela i laik apim manimak i kam long gavman, long givim wanpela projek long wanwan provins long PNG.

Nau mipela i stap long mak bilong mekim sileksen, na ol sot-lis apliken tasol bai kisim toksave. Ol apliken husat i no kisim luksave bai kisim toksave long midia long Fraide, Me 31, 2013.

TOK ORAIT I KAM LONG

MOSES LIU
NDBI SIAMAN

"Promoting our own Indigenous Business"



NDB INVESTMENTS LIMITED
"Promoting our own Indigenous Business"

PABLIK NOTIS – BAIM OL PROPETI

Nesenel Developmen Benk i gat bilip bilong strongim ol Asples Bisnis long PNG. Aninit long han-bisnis bilong en, NDB Investments Ltd, em bai go het wantaim rol-aut bilong Stret Pasin Bisnis Skim (SPBS) long namba tu hap bilong 2013.

Mipela i wok painim na baim ol propeti long olgeta hap bilong PNG we mipela bai developim aninit long SPBS na givim i go long ol apliken long lukautim.

Mipela i laik paim:

1. Ol Komesal Graun (Stet Lis o Frihol) i stap fri
2. Ol Komesal Biding, Weahaus
3. Ol Riteil o Wolsel Stoa
4. Residensal Propeti wantaim strong long inapim komosal developmen

Sapos yu laik ofaim propeti bilong yu long NDBI i baim, plis givim wanpela ofa long wanpela envelop i gat: Prais yu salim, Len Taitol, Pruf olsem yu tru tru papagraun, ol Poto na Tokstori long Propeti.

Salim ol Ofa bilong yupela i kam long: The Acting Chief Executive Officer
NDB Investments Limited
PO Box 686, WAIGANI, NCD

Yu ken salim email i kam long: investments@devbank.com.pg o givim long han i go long ol NDB brens bilong mipela long PNG. Ofa bai pas long Me 31, 2013.

TOK ORAIT I KAM LONG

MOSES LIU
NDBI SIAMAN

"Promoting our own Indigenous Business"

Mada's De Saplimen

Pikinini tokaut long mama i minim wanem

Frieda Kana raitim

SAMPELA pikinini sumatin bilong Kilakila Sekenderi Skul long Nesenel Kepitel (NCD) i gat dispela tok.

Asenaomi Maika, bilong Milne Be Provins, i tok mama de i bikpela de bikos, em i save mekim yumi long tingim gen olsem ol mama bilong yumi em i dia tumas. Yumi tingim olgeta wok mama i save mekim long olgeta de long stretim yumi famili na tu em i mekim yumi long tingim wanem kain spesel save em i gat long lukautim yumi na plenti taim, yumi no luksave na yumi ting em i kamap nating.


Olsem na dispela gel Asenaomi i laik tru long mekim wanpela gutpela samting long mama bilong em long dispela mama's de tasol em bai i no nap.

"Mama bilong mi em i dai taim mi liklik yet, olsem na taim Mama's De i kamap bai mi baim wanpela liklik presen bilong meri tambu bilong mi, bikos em i kamap olsem mama bilong mi taim em i maritim brata bilong mi. Olsem na mi amamas long bikpela brata bilong mi i maritim dispela naispela meri olsem," Asenaomi i tok.

Sapos mama nogat, bai nogat man i stap laip long graun. Laikim bilong mama em i wanpela kain samting yet, na i nogat wanpela samting inap long winim dispela.

"Sapos mama bilong mi nau i stap laip yet, tude long mama de, bai mi tokim em olsem, Mama, mi laikim yu tumas na mi misim yu olgeta de. Mi laikim tru olsem yu bai stap laip wantaim mi nau, na bai mi givim wanpela presen long yu long tok tenkyu long yu gen. Yu naispela, smatpela meri stret na yu gat klinpela hat na pulap long pasin bilong laikim. Yu gat save na gutpela pasin bilong skelim gut tingting, na yu save mekim gut long mi. Tasol mi bai misim yu long Mama De oltaim na ol gutpela pasin bilong yu. Yu bai oltaim stap insait long lewa na tingting bilong mi. Mi laikim yu tumas mama na Hepi mama de long yu!" Asenaomi i tok.

Joycelyn Micah, em i skul long Kilakila Sekonderi Skul na mekim gret 10



Sampela ol Mada's De kad ol liklik pikinini i salim long ol mama bilong ol...

"Mi laikim mama bilong mi. Em i meri bilong mekim fani, em i gat gutpela pasin bilong laikim narapela na em i gutpela mama bilong lukautim ol pikinini. Em i karim tupela pikinini, em mi na bikpela susa bilong mi. Mama bilong mi em i no wok, em i stap long haus tasol na lukautim haus wok." Joycelyn tok.

Moses Junior Nempery, wanpela gret 10 sumatin long Kilakila Sekonderi Skul i tok mama de em i wanpela spesel de bilong wanem long dispela de, yumi olgeta i ken luksave long ol mama bilong yumi na tok tenkyu long ol na givim sampela gutpela samting long ol o mekim sampela naispela samting

long mama long gutpela pasin bilong laikim na lukautim yumi olgeta taim.

Moses i tok long makim mama de, ol famili bai kisim mama bilong go long seken hen long baim klos na bihain bai ol i kisim em go long haus piksa long lukim wanpela muvi piksa. Long apinun em Moses bai kukim kaikai bilong mama bilong em.

"Mama bilong mi em i naispela na i smat moa. Em i save kuk, bekim skon na bret, na em i save klinim haus bilong mipela. Em i save laik long baim samting long stoa, baim klos long seken hen stoa, tasol wanpela samting em i

no save pilai spots," Moses tok.

Moses tok, "Mama, mi laik tok tenkyu long yu save laikim mi na strongim mi long taim mi liklik na kam bikpela. Mi amamas olsem yu mama bilong mi na mi laikim yu tumas na mi ting olsem yu wanpela bes mama long wol."

Lynda Michael, em narapela gel sumatin long Gret 10 insait long Kilakila Sekenderi Skul na em save stap long Badili, NCD.

"Mi ting mama de em i gutpela taim long yumi luksave long ol mama bilong yumi na laikim bilong ol na tok tenkyu long ol long olgeta samting ol i mekim long yumi. Mama de i mekim yumi long tingim gen olsem ol mama bilong yumi i spesel. Mi bai baim wanpela presen bilong mama bilong mi long tok tenkyu olsem em i lukautim mi long taim mi liklik yet na kam. Mi bai singim wanpela song bilong mama long em bikos mi save laikim singsing," Lynda i tok.

"Mi laikim yu mama bilong mi na i nogat wanpela i wankain olsem yu, insait long dispela graun. God bai blesim yu tude na oltaim, oltaim," Lynda tok.

Vagi Airi, tu em i wanpela gret 10B sumatin bilong Kilakila Sekonderi Skul.

Vagi tok, long mama de em bai tokim mama bilong em long malolo na noken mekim wanpela wok na em yet bai mekim olgeta wok na wanem samting mama i laikim long dispela de. Em i ting olsem mama de i bikpela samting tru bikos em i de we i mekim yumi tingim bek olsem ol mama i spesel lain na yumi mas mekim ol samting mekim bel bilong ol i amamas..

Vagi tok, "Mama bilong mi em meri bilong wok hat, na taitim bun long kamapim mipela olsem na mi ken tok, em i nambawan stret. Mi laki long i gat kain mama olsem husat i save wari long mi na laikim mi tumas. Em i makim olgeta samting mi nidim. Sapos em nogat, mi bai no nap stap long hia. Em mama na bes fren bilong mi. Em bai stap long lewa bilong mi oltaim, oltaim."

Vagi laik tok olsem long mama bilong em, "Mi laikim yu tumas mama, tenkyu long olgeta samting yu bin mekim long mi, long gutpela

taim, na long taim nogut, yu save sambai oltaim long helpim mi na yu save laikim mi olsem nogat narapela i save laikim mi. Bai i nogat narapela senisim yu, na yu em piksa bilong gutpela meri long laip bilong mi. Mi laik kamap olsem yu. Yu givim mi olgeta samting mi nidim na yu no save surik long helpim mi. Mi laikim yu oltaim, oltaim. Maski wanem samting i kamap, yu bai stap mama bilong mi yet na tingim, i gat wanpela spesel spes bilong yu insait long lewa bilong mi."

Mia Christabel Krishma Pagal, wanpela gel sumatin long Gret 6 insait long Bavaroko Praimeri Skul NCD. Mama bilong em Theresa Taita Arva Pagal em i bilong Kairuku long Bereina Distrik, Sentral Provins. Papa bilong Mia em i bilong Pangasinan Provins insait long kantri Filipins.

"Long mi yet, mi bai tok olsem mama de em i bikpela samting tru long mi. Mi nogat wanpela samting long givim mama bilong mi tasol mi bai soim laikim bilong mi na gutpela bel bilong mi long em insait long wanpela naispela mama de kat," Mia Christabel i tok.

Em i tok mama de i bikpela samting tru bikos mama bilong em, i nambawan tru long laip bilong em, maski wanem kain samting i kamap long em, mama oltaim i save stap long helpim em.

Em i wanpela strongpela meri bilong givim skul long ol pikinini na tambuim ol long mekim planti samting i nogut na em i save givim gutpela tingting long ol long mekim stretpela pasin, sampela taim em i save paitim ol na mekim sampela pasin i no gutpela long ol, tasol dispela i no senisim em olsem em i mama bilong ol.

"Long dispela de, mi laik tok tenkyu mama long olgeta samting yu mekim long mi. Tenkyu long soim laikim bilong yu long mi taim mi save sik na taim mi bebi inap nau mi stap long skul," Mia Christabel tok.

Foapela sumatin bilong Sen Benedik Tisa Kolis, Divine Word Yunivesiti, Kaindi Kempas i salim tok bilong ol olsem mama de em i wanpela bikpela de bikos em wan

I go moa long pes 8...

NASFUND FM100 TALKBACK SHOW
MONDAY - FRIDAY, 9AM TO 12PM
 Participate and be heard on an open forum on National Radio



FM100
 PNC's Information & Music Leader

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATOA 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAQIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONGETTA 100.5	TELEFOMIN 100.3	WEWAK 100.8

Mada's De Saplimen

Monica Gini, mama bilong salim skon

Frieda Kana raitim

Mama Monica em i wanpela meri Tari tasol nau em i meri Mosbi pinis.

Taim em i bin yangpela meri stret ating 16 kris-mas em man bilong em Gini go kisim em long ples bilong em na em i kam long Mosbi Siti long Taurama Bareks taim man bilong em i bin wok long haus kuk bilong ol ami. Monica em i bin pin-isim skul long gret 5 tasol na em i stap long ples na taim dispela man Gini i go long ples long holide bilong em, wanpela meri ol papa mama i putim pe long em bai marit long Gini em i les na ranawe wantaim wanpela tisa, ol papamama bilong dispela man i kirap na givim Monica long em.

Monica i lap na tok, "Man ya em i pul dres long klos bilong ol ami na mi ting trupela stret na mi

lusim ples na bihainim em kam long Mosbi, na nau mi stap olgeta."

Em i kam stap long Mosbi na i no go bek long ples inap 2012 taim wanpela bilong ol liklik brata em i kisim na lukautim olsem pikinini bilong em, i dai long han bilong ol man, na em bringim bodi i go bek long ples long planim.

Na wanem samting em i gutpela long yumi save long mama Monica? Mama Monica em i save givim kaikai na moni long planti pikinini husat i nogat mama na papa long helpim ol. Em i helpim planti pikinini man na meri long kisim skul tasol em i no skul meri, na i no save long rit na rait.

Monica em i karim sikspela pikinini tasol tripela em i dai long taim bilong karim. Wantaim dispela 3-pela pikinini em i gat, em i lukautim tupela liklik brata bilong em taim

mama bilong tupela i bin dai long han bilong ol birua long ples na em i go na kisim tupela i kam stap wantaim em olsem pikinini bilong em yet.

Tupela pikinini i no kolim em susa nogat, em mama tasol. Wantaim ol dispela pikinini mama Monica i save lukautim olgeta famili lain bilong em na sampela bilong-man bilong em tu. Planti i stap wantaim em inap ol i kisim wok o marit na ol i save lusim em i go.

Monica na man bilong em i kisim wanpela liklik hap graun long Gavera, klostu tasol long Taurama Bareks na ol i wokim wanpela liklik haus long en na ol i stap.

De bilong Monica i save stat long 4 kilok long moning taim em i save kirap long prea na bihain em i save stat long fraim flaua skon bilong salim.

I go moa long pes 9

Ol de na mun na yia Mada's De bai kamap

Wanem de em i mama de? i gat kainkain de long wol em ol lain i save luksave long mama de.

Long Amerika, olgeta nambatu Sande bilong mun Me ol i save luksave long de bilong ol mama na long Ingran em ol i save holim dispela de long namba tu Sande bilong

mun Mas em mama Sande.

Na 2013 long Amerika kalenda em mama de bai kamap long Sande 12 Me. Dispela em i wankain de long Papua Niugini tu i bihainim.

Dispela em toksave bilong ol mama de bai kam long ol yia 2012 i go inap long 2020.

Yia	Mama De (U.S.) Amerika	Mama Sande (UK) Englan
2012	Mei 13, 2012	Mas 18, 2012
2013	Mei 12, 2013	Mas 10, 2013
2014	Mei 11, 2014	Mas 30, 2014
2015	Mei 10, 2015	Mas 15, 2015
2016	Mei 8, 2016	Mas 6, 2016
2017	Mei 14, 2017	Mas 26, 2017
2018	Mei 13, 2018	Mas 11, 2018
2019	Mei 12, 2019	Mas 31, 2019
2020	Mei 10, 2020	Mas 22, 2020

Johnston's Pharmacies Ltd



Tabu Colognes Perfumes

Happy Mothers Day

Sunday May 12, 2013

P.O Box 1066 Boroko
Phone: 325 3185, Fax: 325 0190
Email: sales@johnstons.com.pg



I kam long pes 7...

pela de tasol long yia yumi olgeta ken tingim mama na tok tenkyu long ol gutpela wok ol i save mekim long yumi insait long yia.

"Mama, mi laikim yu tumas. Mi onaim yu long olgeta wok yu wokim. Nogat wanpela toktok bai inap long tokaut long yu long laikim bilong mi long yu. Tenkyu Bikpela long givim mi kain naispela mama olsem. Mama bilong mi em i Kwin. Hepi Mamas De long yu mama na olgeta mama long wol. God blesim olgeta mama," Lucy Mak i tok.

"Mi laikim yu mama na tenkyu long olgeta samting yu bin mekim long mi insait long laip bilong mi. Hepi mama de," Adrian Konga bilong Jiwaka i tok.

"Mi bai askim Papa long Heven long lukautim mama bilong mi na givim em longpela taim long stap long dispela graun. Mama mi laikim yu olgeta taim inap dai bilong mi. God bai blesim yu mama!" Wendy Wat i tok.

Wendy i tok moa olsem mama bilong em i save mekim wok bilong mama na papa wantaim long lukautim ol pikinini bilong em. Olsem na em i wanpela nambawan mama stret long wol.

"Mi bai no nap long bagarapim bel bilong em," Wendy i tok.

"**Felicity Yaki** bilong Sandaun Provins i tok, "Dispela em i spesel de long tingim gutpela mama bilong mi. Mi yet, mi tingting olsem i mas gat sampela rispek olgeta lain i ken soim long olgeta mama bilong yumi na larim ol i selebretim bikos dispela em i de bilong ol. Mi bai soim rispek bilong mi long mama bilong mi long dispela de. Bai mi mekim wanpela narakain samting long mama bilong mi long dispela de. Mi laikim pasin bilong em. Em i wanpela gutpela piksa bilong mi, maski em i nogat wok mani tasol nau em i save lukautim pikinini bilong em yet na putim ol long skul na lainim ol long kamap gutpela sitisen bilong dispela kantri."

"Mama yu spesel na nais tumas long mi na mi bai putim yu nambawan tru insait long lewa bilong mi. Mi tenkyu tumas long wanem samting yu bin mekim long mi. Em i bikpela samting tumas na mi bai laikim yu oltaim. Mama mi laikim yu na Bikpela God i ken blesim yu olgeta taim." Felicity i tok.

Mada's De Saplimen

Bungim Buana long Wantok Nius

Frieda Sila Kana i raitim

BUANA Ragela, wangepela yangpela mama bilong Sentral Provins, na em i save wok long Wantok Niuspepa olsem akaunten.

Em i gat tupela pikinini meri, wangepela krismas bilong em 9 na narapela 2 yia. Buana i save stap klostu long nambis bilong Taurama, baksait long Taurama Bareks. Long dispela hap em i no gat planti PMV bas i ron olsem na em i save kirap long 5 kilok long moning taim na redi long wakabaut samting

olsem 3 pela kilomita long kisim bas insait long Taurama Bareks.

Long moning taim em i kirap em i save redim kaikai bilong olgeta lain long haus pastaim long em i redim em yet long go long wok. Tasol nau em ol pikinini bilong em i stap wantaim ol bubu bilong ol long Abau long Sentral Provins yet, olsem na em i no save kuk bilong ol tasol em i redim kaikai bilong ol bikipela lain tasol.

Buana em i gat bikipela problem long bebi sita. Em i hat long painim gutpela bebi sita na peim em olsem na em i salim tupela liklik

pikinini bilong em i go long ples bai ol tum-buna bilong tupela i lukautim ol. Bihain long wok, Buana i save taitim bun gen long painim PMV long go bek long Taurama na taim i kam long haus bai mekim sampela moa haus wok inap 10 kilok long nait na em i save slip.

Em i amamas long kamap mama bikos wok bilong mama i gat salens na em i kisim gutpela tingting olsem em i wokmeri na i nap long lukautim tupela pikinini bilong em na givim ol wanem samting ol i nidim.

"Mi yangpela mama,

olsem na mi wok long lainim yet pasin na tok skul long mama bilong mi long kamap gutpela mama. Mi amamas na laki olsem mi stap wantaim mama bilong mi na mi ken tok tenkyu long em taim em i stap yet wantaim mi," Mis Buana i tok.

Buana em i gat driman na laik olsem em i mas lukautim ol pikinini bilong em gut na putim ol long gutpela skul na kamapim gutpela sindaun bilong famili. Tasol em i gat laik na driman tu long kisim sampela moa skul na lainim moa save long wok bilong em.



Buana Ragela i sindaun long wok tebol bilong em long Wantok Nius opis. Foto: Frieda Kana

Tali Piokole laikim 10 pikinini

Frieda Kana raitim

TALI Piokole em i gat 32 krismas, na em i wok Famesis bilong Johnson's Pharmacies, Pot Mosbi taun stoa.

Em i bilong Kerema, tasol mama bilong em bilong Fiji na em i marit long wangepela pilot bilong Air Niugini, Clark Piokole, wangepela man Enga. Em i gat tripela pikinini gel, krismas bilong ol 5, 3 na 1 yia.

Tali Piokole em Stoa Menesa lukautim Johnson Famesis long Pot Mosbi taun, olsem na olgeta de em i save kirap long 6 kilok long moning taim na redi long go long wok. Em i save redim 5 yia pikinini bilong em wantaim belo kaikai bilong em wantaim ol skul samting bilong. Bihain em yet save redi na lusim haus long hap pas seven long go bringim pikinini bilong em long skul na bihain em save go stret long taun long opim na redim stoa bilong ol i kisim ol kastoma.

Wok insait long stoa i save stat long 8-kilok long moning na bisi taim bilong ol i save go inap 1 kilok long apinun taim ol kastoma i save slek liklik. Bikipela wok bilong dispela Famesis em long lukim sikman meri, pikinini fri na salim marasin tasol long ol. Liklik hap tasol ol i save salim ol marasin bilong bilas na ol liklik klos bilong ol pikinini na bebi samting.

I luk olsem olgeta lain i no save tumas long dispela Famesis olsem na ol i no save kisim planti siklain olsem Johnson Famesis long Boroko, olsem na 1 kilok apinun em ol i no bisi tumas. Olsem menesa bilong stoa, wok



Tali Piokole long Johnson Famesis. Foto: Frieda Kana

bilong Tali long lukim olsem olgeta samting long ol marasin na ol arapela samting bilong ol bebi na bilas i redi na tu ples bilong lukim sikman i redi. Na narapela bikipela wok bilong em olsem Famesis em long makim marasin na redim bilong ol siklain we nes i lukim pinis. Sampela taim em i save helpim nes bilong famesis long lukim ol siklain tu. Em i tok sampela taim ol siklain i save kam airaun pundaun long

stoa taim ol i kisim strongpela skin hat. Taim dispela i kamap em mipela i save salim ol hariap go long wangepela haus sik i stap klostu. Tasol ol siklain i save laik long kam long dispela Famesis bikos lukim nes em fri na ol i baim marasin tasol na ol i no nap wet longpela taim olsem long haus sik. Taim Tali i bin pinis long skul em i wok olsem Famesis inap 9 pela yia nau na 6 pela bilong dispela yia em i bin wok

wantaim Johnson Famesis.

"Mi pilim olsem mi mekim wangepela gutpela wok bikos mi save laik long helpim ol pipel. Olsem na long apinun taim mi go bek long haus, mi no save skin pen na tait tumas. Mi save amamas tru taim mi go long haus na ol pikinini bilong mi save ran kam long holim mi," Tali i tok.

Tali i nogat problem long bebi sita bikos mama na papa bilong em

nau i stap wantaim em na i save was long ol taim em i go long wok.

Long yia i go pinis, em man bilong Tali i kisim em i go long Bakus Restoren long Eweis Hotel long Mama De bihain long famili i bung kaikai pinis. Tasol dispela yia, em i no save yet bai man bilong em i mekim wanem.

"Man bilong mi kisim mi go long dispela restron bikos em i ples we mitupela i go bung long fes taim olsem fren tasol long kaikai na bihain mitupela marit. Olgeta spesel de olsem de mama karim o taim makim weding bilong mitupela o arapela bikipela taim em mitupela i save go long dispela restron," Tali i tok moa.

Ating dispela meri Tali em i gat naispela laip we em i driman bilong planti yangpela wokmeri long tude taim yumi tingim Mama De. Dispela yangpela mama em i tok, taim em i skul na i wok long kamap bikipela, em i no bin prenim ol man nabaut bikos em i tok promis long em yet olsem, wangepela man husat em bai go aut wantaim, em dispela man tasol bai em maritim. Olsem na taim em i bungim man bilong em nau, Clark Piokole, em i stap wantaim em tasol inap tupela i marit na nau ol i gat tripela naispela pikinini meri na em i gat bikipela bel isi na amamas.

"Mi ting olsem kamap mama em i wangepela bikipela blesing. Mi laik gat 10 pela pikinini tasol mitupela man i pasin tok long gat 7 pela tasol. Tripela pinis na foapela moa bai kam yet. Mi save laikim ol pikinini tumas," Tali tok.



Yut, Meri na Famili

**Pastor
Barbara Lunge**

God bai helpim yu taim man I lusim yu

TAIM marit bilong ol meri i save bagarap, long man i lusim meri, o man i dai, dispela i save mekim ol meri long senisim pasin na wei bilong ol.

Sampela i save go kamap longlong na i go insait long moa hevi, na sampela i save painim papa bilong ol, em Jisas Krai, Bikpela na Man bilong kisim bek yumi.

God em i givim yumi taim na larim yumi long makim rot.

Em i laik bilong wanwan meri long ol i ken tanim na go long God o, ol i ken go het long olupela laip bilong ol we bai bringim hatwok na wari.

Buk Rom, Sapta 8, lain 28 i tok, "Yumi save, God i save mekim olgeta samting i wok wantaim bilong mekim gut long ol man i save laikim God. Em dispela ol man God i tok pinis long kisim bek ol, na em i bin singautim ol."

Wanwan meri i gat pasin bilong laikim narapela insait long em na dispela i ken strongim laip bilong em taim em i tingim hevi Krai yet i bin karim long diwai kros. Dispela i ken inapim ol nid bilong em long laip.

Taim marit bilong mi bungim hevi na man i lusim mi, mi ting olsem graun i pinis nau bikos mi yangpela mama na mi marit nupela tasol.

Mi belhat na long dispela strongpela belhat, i kamapim bikpela soa long bel na mi kisim sik bilong ol lapun long bun pen na hat long wokabaut na holim samting.

Tasol taim ol Kristen pren i tokim mi long Jisas Krai na mi mekim em kamap Bikpela bilong mi, em I helpim mi long lusim pasin sin, na em i rausim olgeta sik na bagarap long bodi bilong mi. Em rausim ol pasin nogut na tingting nogut bilong mi, na bringim gutpela tingting gen long mi.

Bikpela i givim mi gutpela tingting long luk-save olsem mi stap laip long painim rot bilong autim stori bilong mi long ol narapela husat i lus long sin, na karim bikpela hevi na i stap olsem turangu, long mirakel pawa bilong God.

Buk bilong Profet Aisaia sapta 53 na lain 10 i tokaut long dispela.

"Bikpela yet i bin daunim wokman bilong en na mekim em i karim pen, long wanem, sapos wokman i givim laip bilong em yet olsem ofa bilong rausim sin bilong ol man-meri, orait laip bilong en bai i go longpela tru na em bai i lukim ol tumbuna pikinini bilong en. Na long wok em i mekim, wokman bai i mekim ol samting Bikpela i gat laik bilong mekim, na em bai i mekim ol dispela samting i kamap gut."

Sapos yu wanpela yangpela meri o mama i stap na yu painim hevi long marit laip bilong yu, mi askim yu long noken traim long mekim long strong bilong yu yet.

Yu mas askim God long helpim yu na tu yu mas go long lo welfea. I gat ol welfea opisa i stap long helpim yu.

Mi tu bin mekim olsem na man i peim mentenens long ol pikinini, na dispela i helpim mi long hevi bilong mi tu.

Sapos yu laik save moa; toktok wantaim wokmeri bilong Bikpela, Barbara Lunge, Rivers of Grace intenesenal Ministri. P.O. Box 3063. Boroko. NCD. Papua New Guinea. B Mob 67331426 OR DG. 71075829

Praim Minista bilong Australia kam long PNG tude



PRAIM MINISTA BILONG AUSTRALIA: Julia Gillard

TUDE Mei 11, bai lukim Praim Minista (PM) na namba wan meri PM bilong Australia i krugutim PNG long tripela de wokabaut na lukluk raun bilong em.

Julia Gillard i kamap long Mosbi tude long namba wan lukluk raun wokabaut bilong em long PNG, na bihain em i mekim wok bilong em, em bai lusim PNG long Sarere, de namba Me11.

Australia Hai Komisni opis i tok PNG em i stap klostu stret

long Australia na em wanpela strongpela na gutpela pren patna bilong em.

"Kain pren tupela kantri i gat em i beis long histori we ol i serim planti samting, wok bisnis, gutpela wok pren namel long tupela kantri na tupela gavman i gat gutpela wok bung namel long ol," Opis bilong Australia Hai Komisni i tok.

Mis Gillard bai bungim Praim Minista, Peter O'Neill long toktok long ol bikpela samting na wok bung, pren pasin namel

long ol, na ol salens long rijen.

Mis Gillard bai bungim Gavana Jenerel, Se Michael Ogio na tu, Oposisen lida, Belden Namah.

Em bai wokim toktok tu long PNG Semba ov Komes na In-dastri, lukluk raun long AusD \$19 bilian PNG LNG projek na lukim long ai bilong em yet rot we developmen helpim Australia i givim i kamapim wanem ol gutpela samting long helpim kamapim gut laip na sindaun bilong pipel.

Ol meri bai kamapim Haus Krai neks wik

OL MERI long dispela kantri i les pinis long pasin bilong bagarapim na mekim nogut, kilim na dai long ol meri i go nogut long dispela taim, na ol i laikim bai gavman i wokim samting long pinisim ol dispela samting.

Long soim wari na sanap wantaim long agensim ol dispela samting, 29 ogenaisesen i gat long em 11-pela meri grup bai holim "Haus Krai" long neks wok Trinde na Trinde, Me 14 na 15.

Women Arise PNG em wanpela Non Gavman na ol sios ogenaisesen i go pas long dispela wok long yunait wantaim na soim wari na go agensim ol dispela pasin.

"Mipela i bung wantaim long holim nesnel demonstresen bai kamap olsem "Haus Krai" long Me 14 na 15.

"Haus Krai" bai stat long Tunde nait Me 14 wantaim ol preia na singsing i kamap long nait inap tulait i bruk na long bikmoning Trinde Me 15, bai gat lotu sevis. Bihain long dispela, bai straik long stopim wok i kamap.

"Ol meri long PNG i laikim bai sampela samting bai kamap long givim mekim save long ol hevi i kamap long bagarapim ol mer, na strongim ol meri na

givim ol wankain rait olsem ol man long go insait long wok bilong developim kantri. "Gavman i save mekim ol loa, tasol ol nogat tut long wanem, ol no holim o givim mekim save long ol lain i brukim loa o mekim trabel.

"Eria we i save kisim gavman sevis i go aut na tu, lukim olsem ol i go hetim ol disisen i no wok gut. Ol trabel man i stap aut yet.

"Mipela i askim olgeta man-meri long PNG long kirap na go agensim dispela samting nogut. Kam in sait long pait bikos yumi no nap sindaun nating na larim samting nogut i bagarapim dispela kantri," Ledi Winifred Kamit, em siameri bilong Coalition for Change PNG Incl, i tok.

Ledi Winnifred i tok stat yet long dispela yia, ol vailens agensim ol meri i go antap na moa meri em ol i wok long kilim i dai na repim ol.

Em i autim ol ripot i kamap long nius na TV long: Mis Kepari Lenalia bilong Hagen we ol i sutim tok long em long wokim puripiri na kilim dai narapela, na kilim dai em, wanpela nes long Angau we sampela man i bin repim em, wanpela meri Bogenvil ol bin kilim em dai bihain ol i sutim tok long em long wokim

puripiri na kilim dai narapela, wanpela lain mani repim wanpela risets meri bilong Amerika long Karkar Ailan, Madang, wankain tu long wanpela meri Filipino long Hagen, kilim dai na katkatim bodi bilong tripela meri long Goroka, rep na kilim dai wanpela gel i gat 14 kristomas long Lae, kilim dai Pasto Mathew long Lae taim em i laik helpim wanpela yangpela meri.

"Inap em inap! PNG olsem kantri i no inap go het sapos yumi no stretim na stopim dispela samting nogut.

"Ol meri i no amamas long gavman, nau praim minista na tripela meri memba bilong Palamen i no wokim wanpela toktok long agensim ol dispela samting i wok long kamap long ol meri.

"Taim ol i no wokim wanpela toktok, em i min olsem ol no bisi long laip na stap bilong ol meri long PNG.

"Laspela nius stetmen we Komyuniti Developmen Minista, Loujaya Toni i bin wokim i bagarapim ol meri bilong PNG, na i luk olsem meri ya i no moa luksave long wanem em tru pela samting.

"Bai mipela i no nap sanap na lukluk tasol taim ol i bagarapim na wokim ol samting i

nogut tru long ol meri, ol mama bilong mipela, ol susa na ol pikinini meri," Ledi Winifred i tok.

Sampela long ol ogenaisesen i bung wantaim na givim sapos long pait agensim ol passion bilong bagarapim n a paitim nogut na kilim dai ol meri em long, National Council of Women (NCW), Coalition for Change, Business and Professional Women, UPNG-SHSS, Women Christian Association, Country Women Association (CWA), Red Cross, Papua Hahine, Women in Politics, Melanesian Solidarity (MELSOL), PNG Trust, Partners with Melanesia, The Voice, Women in Business, Family Sexual Violence Unit, Tribal Foundation, CIMC PNG, Trade Union Congress, POM Chamber of Commerce, NBPOL Women, PNG Greens Party, NCD Women Alliance, NCD LLG Division, PNG Against Domestic Violence, Sojourney Ministry, Women Arise-Abau, Patriots PNG na All PNG Musicians.

"Mipela i kam wantaim bikos sapos mipela i no wokim dispela nau, mipela i pret long wanem kain futja ol pikinini na ol bubu bilong mipela i gat long em," Ledi Winifred i tok.

Raun Lukim ol Meri na Pikinini:



REDI: Ol yangpela meri perisina bilong Kingfisa Liteji grup bilong Sen Peter Sanel Erima Peris, i redi long putim kamap samsam danis bilong ol long selebretim pestode bilong petron Santu, Santu Peter Sanel long Epril 28, 2013. **Poto:** Sandra Amuru



KATIM JUBILI KEK: Bruder Larry i katim kek pastaim long serim kaikai wantaim ol rilijes na pren i bin bung long lotu misa las wik bilong selebretim 50 anivesari olsem wanpela rilijes bruder i wok longpela taim long Madang Asdaiosis, PNG.

ANIVESARI LOTU: Bruder Larry (Namba tu) wantaim Pater Janus na ol narapela SVD pater na bruder i singsing long taim bilong Misa lotu.

Oi Poto: Bruder David Nikins



Yumi noken pret long posin na sanguma, yumi mas pret long God Papa na laikim em tru

YUMI mas putim God i nambawan tru. Na yumi mas pret tru long en, na mas laikim em tru, na bilip tru long em.

God Papa yet i wokim yumi wantaim olgeta samting i gat laip. Em i givim yumi bodi wantaim sol, ai na yau, han na lek na olgeta samting. Em i givim yumi tu strong bilong tingting na rot bilong kisim save, na em i lukautim yet i stap.

Em i givim yumi tu, klos na kaikai, haus na graun, meri na pikinini, ol enimal na ol arapela gutpela samting bilong yumi.

Olgeta de em i save i napim yumi tru wantaim kaikai na long olgeta blesing bilong yumi i stap gut. Em i save helpim yumi tru bai ol birua i no nap daunim yumi, na em i lukautim yumi gut bambai ol samting nogut i no nap bagarapim yumi.

Bilong wanem em i mekim olsem? Em i no lukim yumi i stap gutpela man, o yumi bilong mekim wanpela gutpela pasin, Nogut tru. Em yet i gutpela papa tru na God bilong marimari na long laik bilong em yet, em i mekim dispela olgeta samting bilong yumi olsem na yumi i gat dinau i stap.

Yumi mas tenkyu long God papa, litimapim nem bilong em, holim wok bilong em na bihainim maus bilong em. Dispela tok i tru olgeta!

Bruder Larry selebretim Golden Jubili olsem wanpela rilijes

WANPELA Divain Wod Misinari i stap na wok long PNG moa long 40 krismas i bin selebretim Golden Jubili (50 krismas) bilong em olsem wanpela Bruder long las Sande.

Bruder Larry Kieffer SVD bilong Bellevue, Iowa long Amerika i mekim bikpela kontribusen long wok misin insait long PNG, na moa yet long Madang Provins we em i wok long 42 krismas olsem Jenerel Menesa bilong ol plantesen bilong Katolik Sios long Not Kos i stat long Nubia i go olsem long Danip.

Moa long 60 lain i gat long en ol pater, bruder, sister na ol narapela rilijes i bin selebretim bik de bilong Bruder Larry wantaim spesel misa lotu sevis, ol toktok na kaikai.

Misa lotu na ol narapela wok long selebretim Golden Jubili i bin kamap long SVD Sentrel Haus long Madang.

Asbisop bilong Madang, Stephen Reichert, i bin go pas long misa lotu na bihain long dispela, i bin gat spesel bikpela keik na bikpela rost pik we SVD Madang Distrik na SVD Sentrel Haus woklain i bin redim long en.

Long ol toktok bilong em, Bisop

Stephen i bin autim tok amamas na tenkyu bilong em na sios i go long Bruder Larry long bikpela kontribusen bilong em long Asdaiosis bilong Madang long 42 krismas.

Nau yet, Bruder Larry em i stap Jenerel Menesa long laspela sios plantesen em Hululand, em namba wan ples bilong swim long not kos bilong Madang.

Bruder Larry bai go het yet long wok na em i tok, "Mi no lukim yet renbo o mi no ritaia yet, na olsem, bai mi skruim yet wok".

Laipstori bilong Bruder Larry em, mama i karim em long Iowa, Amerika long yia 1935, na em mi gat 78 krismas.

Em i gat tripela brata na tripela susa tasol nau wanpela susa bilong em tasol i stap laip taim olgeta narapela i dai pinis.

Famili bilong em ol fama na olsem, dispela wok i stap long blut na em i skruim yet hia long PNG i stap.

Em bin skul long wanpela ruel skul wantaim narapela 15-pela sumatin long Gret 1 inap long 8.

Bihain long em i pinis long skul ya, em bin go long Sen Joseph Hai Skul i stap long taun bilong ol n a greduet

long 1953.

Pinis long hap, em bin helpim papamama long wok long fam bilong ol long 5-pela krismas, bipo ol bin kisim em i go long ami long 1958 we em bin stap wok long Jemani long tupela yia.

Taim em i stap long ami, em bin save go lotu olgeta wik na tu, kisim ol Katolik megesin long sios we em i ritim na kisim strongpela tingting na laik long go insait long rilijes laip.

"Taim mi ritim ol megesin ya, mi glasim ol planti rilijes oda na wanpela we i kisim intres bilong mi em SVD, wanpela misinari oda bilong ol pater na rilijes.

"Holi Spirit i bin stiaim mi long askim na kisim moa infomesen rot long kamap wanpela SVD bruder

"Vokesen Dairekta bilong SVD kwiktaim i bekim askim bilong mi, na bihain mi pinisim taim long ami, mi bin go long Tekni (Techny), Illinois long Amerika. Em givim mi ol pepa long pilimapim na 6-pela mun bihain, mi go insait long kamap olsem pri postulen.

"Etpela mun bihain, mi go insait long novisiet na mekim promis long Me 1, 1963, "em pestode bilong

Santu Joseph Wokman.

"Bihain long 5-pela moa yia, long Tekni, mi go long Kolis bilong ol Jesuit long Clarkston, Misigan (Michigan) we mi bin stap tu long 30 de ritrit bilong ol Jesuit oda.

"Long Me 19, 1969, mi wokim fainol promis na ol putim mi long wok long g Sikago (Chicago)Provins. Tasol dispela i senia wanpela yia bihain taim ol i go hetim Vatiken 2 daireksen na planti SVD Bruder i wok long volantia bilong kam wok long PNG.

"Mi luksave olsem mi no laik stap bek wantaim liklik lain Bruder long Tekni na mi askim Rekta, Pater Edward McGuinn, sapos mi ken volantia tu.

"Em wanpela gutpela man i sapotim dispela Vatiken 2 daireksen na em bin tokim mi long raitim wanpela pas hariap.

"Taim em bin kam bek long Rom 4-pela wik bihain, em kam wantaim tok orait long askim bilong mina wanpela mun bihain, mi kam.

"Mi amamas tru na mi laikim wok na a stap bilong mi long PNG long 42

krismas nau!" Bruder Larry i tok.

Bruder Larry i tok em i sapos long wok long YC Madang, tasol ol i putim wanpela asples man long dispela wok, na ol i putim em long kamap plantesen menesa.

"Dispela wok i bin kamap pemenen- long 42 krismas. SVD na Madang Asdaiosis i bin gat 10-pela plantesen long Danip i go olgeta long Nubia.

"Mi bin menesim olgeta 10-pela plantesen, sampela long sotpela taim, taim ol menesa i go long malolo.

"Nau mi stap Jenerel Menesa long laspela plantesen em Hululand, em i gat nambawan ples long not kos bilong Madang, bilong swim. Mi no redi yet long ritaia na olsem, bai mi skruim wok yet i go," Brider Larry i tok.

"Bruder Larry, long Golden Jubili bilong yu, mipela ol brata bilong yu long kongrikesen na sios i laikim bai yu gat gutpela amamas na Bikpela i ken blesim yu long wok na laip bilong yu.

Ogelbeng Seminari holim greduesen

Paulus Tali i raitim

MOA long 800 Kristen long Ogelbeng long Simbu, Boana Distrik long Morobe Provins na tu, long Papua Distrik i bin witnesim ol sumatin bilong ol long Kiunga Kongrigesen long Not Flai, Westen Provins.

Seremoni i bin kamap long las wik Sande we 18-pela pasto i bin pinisim trening skul bilong ol long Ogelbeng Luteran Hailans Seminari, na greduet long namba 33 greduesen bilong seminaru skul.

Long las yia, ol seminari sumatin no bin amamas long manimak bilong seminari i no inap long mekim wok na olsem ol sumatin i bin straik.

Long dispela tasol, Nesenel Sekreteri bilong ELC PNG i bin luksave na makim gen olpela na longtaim prinsipel bilong seminari, Reveren Umba Bomai, i kamap olsem prinsipel gen.

Apoimen bilong Reveren Umba i bin kamap long Februeri 08, 2013 na bihainim dispela, greduesen bilong ol dispela ol treni pasto i kamap.

Ol yut grup bilong Pasto Jack Tiene em seplin tisa bilong Ogelbeng Seminari bin i go paitim gita na pulim ol 18-pela greduen pasto i go long ples bilong bung na progrem kamap long em.

Ol yangpela gel i bin go pas long pilaim tambarin na amasim ol kristen manmeri

long lukim ol naispela kala bilas, danis na singsing long ai bilong ol manmeri.

God i bin givim gutpela de na ol manmeri i amamas na tingim de bilong ol nupela pasto i greduet.

Residen pasto em Pasto Moti Kay i bin go pas na wantaim pastaim Asisten Bisop bilong EIC- PNG, Reveren Kiage Mоторo, i bin autim Tok long lait na tokim ol yangpela pasto i greduet olsem ol i gat wok long ministri long strongim ol long tok bilong God.

Long wainkain taim foma Bisop Reveren Mоторo i bin givim tok salens long ol nupela pasto husat i bin daunim ol kain hevi long kamap long dispela level, long kamap

olsem lait long ol narapela.

"Yupela bin wokabout pinis long kain kain hevi long skul wok na long fil. Taim yupla kamap olsem vika, yupela i go na kamap olsem nupela lait i sain long ol narapela," reveren Mоторo i bin tok.

Ol papa graun lida bilong Zika klen tu kamap na tok ol laik lukim gutpela ron bilong seminari i noken kisim politik i kam insait na bagarapim eria bilong God.

Mausman Steven Gore Kaupa, olpela PNG Kumul plaia husat nau i wok olsem llektorel Menesa long Simbu i bin tokim ol yangpela lida i greduet long noken tingim mani tumas, tasol karim diwai kros bilong God na bihainim lek mak bilong em."



OGBELBENG GREDUESSEN: Ol nupela greduet pasto i soim ol setifiket bilong ol. **Poto: Paulus Tali**

Gerehu Distrik Haus sik givim gutpela sevis

...Namel long 500-600 siklain olgeta de

Veronica Hatutasi i raitim

MAK bilong populesen o manmeri insait long Pot Mosbi siti i winim ol sevis eria olsem helt na edukesen long dispela taim.

Olsem na bilong kisim ol dispela sevis long haus sik, ol helt senta na sampela ol praivet klinik insait long Nesenel Kapitil Distrik (NCD),

bai ol siklain i wet longpela taim long lain.

Long ol pablik haus sik, helt senta na etpos, ol siklain i ken wet samting olsem 6-pela awa pastaim long dokta na nes i lukim na sevim ol.

Long dispela kain longpela wet, sik bilong sampela lain i save go nogut na sampela i save dai.

Sen John's Gerehu Distrik Haus sik long Gerehu Sabeb,

NCD i wanpela long ol helt institusen insait long siti we i wok long givim gutpela sevis long pablik.

Long 2011, ol bin mekim Gerehu Helt Senta i kamap wanpela Distrik Haus sik we i bin kisim haus sik i go long Gret 5 level.

Aninit long Gavman na Pablik na Praivet Sekta Patnasip (GPPSP), Sen John's Ambalens sios ogenaisesen

i wok patna wantaim Nesenel Dipatmen ov Helt (NDoH) long givim sevis lolgeta de i go long planti handret pipel long Mosbi Notwes Iktoret, ol narapela hap insait long Mosbi siti, Sentrel na Galp provins.

Maski hevi long sot bilong ol nes, ol masin bilong ol dokta na nes long yusim bilong mekim wok long sevim ol sik manmeri, spes long ol sik

manmeri i wet long en, o long ol autpesen i slip long en, Gerehu Haus sik i save pulap olgeta de, em 7-pela de long Mande i go long Sande, long ol sik manmeri na pikinini i laik kisim helpim.

Sapos yu stap long Gerehu o Renbo na long ol moning taim yu kisim bas long go wok, bai yu lukim longpela lain i stap pinis long kisim tritmen na marasin long Gerehu Haus sik.

Wantok i bin stori wantaim Sister in Sas long Sen John's Gerehu, Sister Rachael Kurup long kisim ol toktok long wok na operesen bilong dispela haus sik.

"Bikos ol woklain bilong Gerehu Haus sik, planti siklain bilong ausait i save kam long dispela haus sik.

"Na mi bilip olsem skelim wantaim ol narapela haus sik na helt senta long siti, mipela long Gerehu Sen John's i mekim moa wok na olsem, i moabeta long ol helt atoriti i lukluk long dispela na mekim haus sik i go bikpela moa," Sister Rachael i tok.

I kam inap long tude, Gerehu Sen John's Haus sik i gat 110 woklain.

Brukum long ol wan wan eria, i gat 4-pela dokta, 5-pela Helt Ekstensen Opisa (HEO), 36 Komyun iti Helt Woka (CHW), 34 nes, 7-pela famasis, tupela teknisen, 16-pela haus klining lain i wok olsem klina, gaden na wokim londri o wasim ol klos bilong haus sik, tripela draiva na tripela medikel rekot klak.

"Haus sik i save op 24 awa na insait long wanpela de, mipela i save kisim namel long 500 na 600 siklain.

"Ol woklain i save wok long tripela sif.

Wanpela sif i save kamap namel long 7 kilok moning inap long 3 kilok apinun, narapela long 3 kilok apinun inap long 11 kilok nait, na laspela long 11 kilok nait inap long 7 kilok moning.

Jenerel, autpesen na imejensi i save op long 24 awa.

"Haus sik i gat jenerel adal wod na 11-pela bet long ol siklain long slip long en, na pidiatrik o wod bilong ol pikinini i gat 14-pela bet long en.

Ol siklain i save slip long wod long 5-pela de na go long ples sapos ol i orait, o salim i go long Pot Mosbi jenerel Haus sik sapos ol i sik yet,"

Sister Rachael i tok.

"Ol sik we mipela i save lukim planti manmeri na pikinini long ol em, sik sotwin, bikpela belpen, sik wara, niunomia na long imejensi sait, planti em ol i kisim birua long kar aksiden, katim na sutim wantaim naip samting, na tu mipela i save kisim ol keis long ol lain i dai long rot i kam long haus sik.

"Mipela i kisim ol siklain long olgeta hap bilong NCD, Sentrel na Galp provins. Insait long wanpela wik, mipela i save kisim namel long 15-20 riferel i kam long ausait na 50 long wanpela mun.

"Mipela i sot long ol woklain na tu, ol dispela i wok, i save wok hat moa bikos long planti siklain, tasol mipela i lukluk long edresim dispela.

"I gat nid long kisim moa nes, mekim haus sik i go bikpela na putim leba na mateniti wod,"

Sister Rachael i tok.

"Planti wok bikos long planti siklain i save kam i wanpela salens mipela i gat long en, tasol mipela i traim long lukautim gut ol siklain," Sister Rachael i tok.

Tupela wik i go pinis,

Gerehu Haus sik i bin laik long kisim long PNG Sastenebol Developmen Program (PNGSDP) 7-pela nupela masin i gat long em tupela masin long monitaim lewa haus sik bai yusim long dispela wok long imejensi rum, wanpela masin ol bai yusim long sekim lewa long ol lain i gat sik long lewa, tupela masin ol i yusim long sekim na monitaim level bilong oksijen long blut, tripela speselais imejen si bet, tupela imejensi troli we ol bai putim ol samting we ol dokta na nes i yusim long imejensi, ol marasin ol i redim long yusim long imejensi, wanpela masin bilong testim blut na kidni, liva, lewa i wok olsem wanem na ol narapela tes moa na masin bilong glasim blut ol i kolim long hematoloji analaisa ol bai yusim long sekim ol kain sik long blut.

"Ol nupela masin bai helpim gut ol siklain, na ol nes na dokta long mekim ol wok. Bai mipela no nap salim ol blut long testim long Pot Mosbi Jenerel Haus sik bikos nupela masin mipela i kisim bai mekim wok long hia," Sister Rachael i tok.



PNG SUSTAINABLE DEVELOPMENT PROGRAM LTD NOTIS BILONG NAMBA 11 ENUAL RIPOT MITING 8:30 Kilok Tunde Jun 4, 2013 Crowne Plaza Hotel

Stori bilong en

PNG Sastenebol Developmen Program Ltd i bin kamap long wanpela agrimen namel long BHP Billiton na Independen Stet bilong Papua Niugini na i kisim seaholding we BHP Billiton i holim long Ok Tedi Maining Ltd.

Namba wan wok bilong Kampani em long sapotim ol program na projek we i promotim sastenabol developmen long gutpela bilong pipel bilong Papua Niugini, na moa yet, Westen Provins.

Aninit long ol Articles of Association and Program Rules, o lo bilongkampani, PNGSDP i mas gat wanpela Enuar Ripot Miting long Pot Mosbi. As bilong dispela Enuar Ripot Miting, em long givim sans long Kampani long tokaut long ol bikpela wok long Enuar Ripot bilong en, na long larim ol tok askim ol stekholda bai gat.

Notis bilong Enuar Ripot Miting

Toksave nau i go bihainim Program Rule 19.3 bilong Articles of Association bilong Kampani olsem Enuar Ripot Miting bilong ol Stekholda bilong Kampani baikamap long

8:30 moning Tunde Jun 4, 2013 long Crowne Plaza - Ballroom 1 - 4, Pot Mosbi.

Dispela Enuar Ripot Miting bai skelim Enuar Ripot bilong Kampani bilong yia pinis long Desemba 31, 2012 we i karamapim:

- Fainensal Ripot bilong Kampani na Ripot bilong ol Odita
- Invesmen na ol rekod bilong moni bilong bihaintaim ol kolim Long Term Fund
- Sastenabol Developmen Program bilong Westen Provins

Dispela toksave i kam long Siamanna Bod ov Dairektas bilong Kampani, igo long o Imausman bilong Gavman bilong Papua Niugini, Westen Provins Provinsal Gavman, Ok Tedi Mining Ltd, na ol arapela ogenaisesen i gat laik long kamap long dispela miting.

Bikos spes i save pulap hariap, yupela husat i gat laik long kamap long dispela kibung, i masrejista na salim nem bilong yupela na ol ogenaisesen bilong yupela, pastaim long Mande, Me 26, 2013, i go long:

PNG Sustainable Development Program Ltd
P O Box 1786, Port Moresby, NCD
Papua New Guinea
Telepon: (675) 320 3844 / 45 Feks: (675) 3203855

Email: arm@pngsdp.com

Tok Orait i kam long:
Susil Nelson
Manager Corporate Governance



OL BOSLAIN: Dairekta Helt Sevis long Gerehu, Dokta Mark Raphael, Sister Rachael Kurup na Dokta Jerry Tanumei long bung bilong kisim ol nupela masin i kam long PNGSDP. *Poto Veronica Hatutasi*



KOMENTRI

Tingim Mama

DISPELA Sande i kam, em wol i luksave long en olsem Mama De.

Dispela de, em i de bilong luksave long strong bilong ol mama bilong yumi.

Na maski dispela pasin bilong givim luksave long dispela de em i samting bilong ol waitman, yumi long PNG tude, i save luksave long dispela de, wankain olsem yumi save makim namba wan Sande long Septemba, olsem Papa De, o de bilong ol papa.

Long dispela taim nau, long mak yumi olsem wanpela pipel long wanpela kantri, i stap long en, luksave long mama, em i wanpela hap tok we yumi mas strongim moa yet, moa long mak em i stap bipo.

Insait long tupela mun i go pinis, PNG i kisim bikpela nem nogut tru long pasin pait na bagarapim ol meri na ol mama.

Bilong wanem bai ol mama na susa bilong yumi mas karim bikpela hevi olsem?

Ol mama bilong yumi save bungim na antap strongpela mama bilong pen tru long taim bilong karim bebi.

Ol i pilim bikpela pen pinis, we planti long yumi, i no save long en.

Tasol tude, yumi wok long bagarapim ol yet.

Watpo na yumi kamap olsem?

Long taim bilong tumbuna, ol mama i bin gat bikpela luksave. Han bilong mama, em i gat strong. Em i ken karim bikpela hevi, mekim bikpela wok, na stretim bek planti wari bilong ol pikinini.

Tude, pasin bilong rispek, pasin bilong givim luksave, na pasin bilong lukautim ol mama na meri bilong yumi, i no moa stap olsem bipo.

Kain kain ol nupela save na tingting, i wok long kam insait long kantri, long kain kain ol rot.

Luksave bilong yumi olsem ol Papua Niugini i stap. Tasol taim luksave na tingting na pasin bilong ol arapela kantri i kam insait long ol yangpela bilong yumi, hevi na birua i save kamap.

Nau, pasin pait agensim ol meri na ol mama, em i samting we i givim bikpela bilakpela nem long yumi olsem kantri.

Long dispela Sande i kam, mipela i askim yupela olgeta ol rida, long luksave long ol mama na tumbuna meri bilong yupela.

Tingim ol skul ol i bin givim long yumi. Tingim ol hevi ol i bin karim long kamapim yumi long mak yumi stap tude.

Na tingim ol meri, na ol pikinini meri bilong yumi tu. Ol bai kamap ol mama bilong yumi long bihain taim.

Sapos yumi nogat luksave, na rispek, na ona long wok na hevi ol meri na mama bilong yumi save karim, yumi no fit long kolim yumi yet, wanpela Kristen kantri.



Mama De?...
Yumi save rispektim ol mama tu?
Yumi save rispektim Mama Loa tu?...



Jada 2013

“DEATH PENALTY i no rot bilong stretim asua”

Fr Lollington Wiam i raitim

TUDE PNG i bungim wanpela kain hevi we i no bin stap long taim bilong independens i kam i nap nau.

Yumi lukim ikonmik o wok mani i na unemploimen o planti man i nogat wok i go antap tru, na yumi lukim ol manmeri i dai olsem ol enimol.

Yumi lukim vailens agensim ol mama na pikinini, na abius o pasin bilong bagarapim i go bikpela, alkohol na smuk nogut i stap long olgeta hap bilong PNG

Kalt bilong Sanguma bilip i kamap bikpela na planti ol mama na ol man i dai nating long ol kain giaman ol sut toktok.

gaden, kolektim paiawut o pulumapim wara.

Ol i stap wantaim bikpela pret long ol pikinini bilong yumi yet.

Dispela kain ol hevi i givim wanpela kain sainmak long wol pinis na wol i luksave wanem kain lain i stap long PNG.

Dispela kain ol pasin nogut bilong PNG i stap pinis long wol nius, Radio Australia, BBC News na i stap pinis iau bilong Yunaited Nesen (UN) na ol arapela bikpela intanesenel oganaisesen. Dispela ol hevi em i no bilong nau tasol, Nogat!

Em i bin i stap pinis na i gat bikpela aiwara i kapsait long mekim kantri bilong yumi tasol ol politisen i no bin mekim wanpela mov long stretim kwik.

Nau tasol ol i driman i stap na kirap nogut na laik pasim wanpela Bil nogut long kamapim DEATH PENALTY. Det Penelti em i no ansa

bilong stretim na sapos em legisletim em bai agensim

Fundamental kristen prinsipel long Loa namba 6: 'Yu noken kilim manmeri nating.'

Olsem Angliken Sios nau i sanap redi long sapotim Romen Katolik Sios long tok NO! long Death Penalty –.

Singaut nau i go long olgeta sios na NGO long na "tok no" long det penelti.

Sapos gavman bilong yumi i gat strongpela tingting tru na laik daunim ol dispela ol kain hevi kantri i wok long bungim, i gat rot long stretim;

1. As tru bilong hevi nau i wok long bungim em korapsen. Yumi lukim pinis bilian na bilian kina i lus nating long Waigani na gavman i no bin ltok oraitim wanpela kain bil long putim det penelti long ol dispela stil man. Las wik tasol yumi harim olsem 9 bilian kina i lus namel 2007-2011. Nain (9) bilian kina i lus nating long han bilong ol stilman. Wankain long baset

bilong yumi. Sapos Nesanel Baset i makim 12 bilian na populesen bilong yumi 7 milian, tasol dispela ol bilian kina i go long wanem hap, kantri i bungim ol dispela hevi. Yumi lukim olsem dispela bilian kina i lus nating na sevis i bin kamap klostu 80% populesen i stap long ol ples. Em nau i gat baret namel long gavman na yumi pipel, olsem na hevi i wok long kamap.

2. Em dispela wok bilong Sios na Stet Patnasip. Gavman i tok tasol na i no bin iputim ol mani i go long ol sios bilong mekim ministri long daunim ol dispela hevi.

3. Unemployment – Gavman bilong yumi i mas pinisim ol forena ol lain bilong narapela kantri husat i kam insait long PNG na mekim ol wok na bisnis inap ol lain bilong yumi yet i nap mekim. Olsem yumi lukim unemploimen i go antap tru na hevi i stap klostu klostu tasol.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea Telephone: (675) 325 2500 Fax: (675) 325 2579

Email: editorial@wantok.com.pg Websait: www.wantokniuspepa.com Pe bilong wanpela via. 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Konga

Editor Neville Choi Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



Program bilong Wanwan De

De - Mande - Fraide

6am - 10am - Sankamap show - Host: Kas.T
 6:00am - Major Nius Bulletin
 6:15am - Komuniti Notis Bod
 6:25am - Taim Bifo - wangepa singsing b'long bifo.
 6:30am - Nius Hetlains
 6:45am - Bonde grtins
 7:00am - Major Nius Bulletin - YUMIFM Nius Senta
 7:05am - YU TOK - komiuniti awenes program
 7:15am - WAN 4 DA ROAD - Hit Prediction - niupela singsing
 7:30am - Tok Pilai - stori b'long putim smail long nus pes.
 8:00am - Major Nius Bulletin - YUMIFM Nius Senta
 8:05am - YU TOK - komiuniti awenes program
 8:15am - "Papa Heni Fuka Show".
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai) Fraidei

Tasol
 9:30am - Final aua cruz
 10am - 3pm - Morin Trek na Belo Pack - Host: Mummy DASH
 10:00am - Major Nius Bulletin - YUMIFM Nius Senta
 10:05am - YU TOK - komiuniti awenes program
 10:15am - Kona b'long yu.
 10:45am - YUMI PANIM WOK Segment
 11:00am - Nius - YUMIFM Nius Senta
 11:05am - YU TOK - komiuniti awenes program
 11:10am - Lukautim yu yet - Helt toktok
 11:30am - Nius Hetlains b'long Belo Taim - Laik b'long yu - Niupela singsing previu
 12:00pm - Major Nius Bulletin - YUMIFM Nius Senta
 12:05pm - YU TOK - komiuniti awenes program
 12:10pm - BELO Pack - Belo taim rekwes na dedikesen
 12:15pm - Komuniti Notis Bod
 12:20pm - BELO Pack - Belo taim rekwes na dedikesen
 1:00pm - Nius - YUMIFM Nius Senta
 1:05pm - YU TOK - komiuniti awenes program
 1:10pm - BELO Pack - Belo taim rekwes na dedikesen

2:00pm - Major Nius Bulletin - YUMIFM Nius
 2:05pm - YU TOK - komiuniti awenes program
 2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie
 3:00pm - Nius - YUMIFM Nius Senta
 3:05pm - YU TOK - komiuniti awenes program
 3:10pm - Avinun cruz
 4:00pm - NIUS - YUMIFM Senta
 4:05pm - YU TOK - komiuniti awenes program
 4:10pm - FOAPELA KAM GUD LONG 4 - foapela singsing
 4:30pm - Nius Hetlains
 4:45pm - YUMI PANIM WOK Segment
 5:00pm - Major Nius Hetlains - YUMIFM Nius Senta
 5:05pm - YU TOK - komiuniti awenes program
 5:10pm - 6:00pm - KULCHA Musik (1 hr) skelim lokal musik 6pm - 7pm
- NAIT BEAT - Host: Vaviessie
 6:00pm - MAJOR NIUS BULLETIN - YUMIFM NIUS SENTA
 6:05pm - YU TOK - komiuniti awenes program

6:10pm - 7:00pm Mon kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT - Host: Angra Kennedy
 7:00pm - Nius - YUMIFM NIUS SENTA
 7:05pm - YU TOK - komiuniti awenes program
 9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Tuluvan Vitz/Talaigu Sopi/Bata Rat
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Wikens - Sarere
 6am - 10:00am - Wiken Sanrais Host: Talaigu Sopi
 7am - 9am - Sarere Monin Cruz
 9am - 11am - Monin Treks
 11am - 1pm - National Weekly Hit Parade - Host: Kasty - 1st aua NWHP
 12:00pm NIUS - YUMIFM Nius Senta
 12pm - 1pm - 2nd aua NWHP

Sarere belo cruz - Host: Tuluvan Vitz
 1pm - 2pm - Sarere Belo Taim Dedikesen
 2:00pm NIUS - YUMIFM Nius Senta
 2pm - 6pm - Sarere Avinun Cruz
 6:00pm NIUS - YUMIFM Nius Senta
 6pm - 00:00am - Nait beat
 7pm - 9pm - Coca Cola Garamut
 9pm - 00:00am - Nait cruz
 00:00am - 6am - Brukim Tulait Show
Wiken - Sandei
 6am - 10am - Wiken Sanrais / Sandei Monin wokabout Musik
 10am - 12noon - Monin Treks
 12noon NIUS - YUMIFM Nius Senta
 12 - 2pm - Sandei Belo Taim Music
 2:00pm NIUS - YUMIFM Nius Senta
 2pm - 6pm - Sandei Avinun Draiv Music
 6pm - 8pm - Nius - YUMIFM Nius Senta
 6pm - 8pm - GOSPEL REKWES AJA
 8pm - 00:00am - Late Nait Cruz - Poroman Aua
 00:00am - 6am - Brukim Tulait Show
Program Director - YUMIFM - Kasty

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Spots
 7.30PM Nius na Karen Afecas
 8PM Helt
 8.15PM Musik
 8.30PM NIUS
 8.40PM Spots Riplei
 8.55PM Musik
 9PM Stesen Pas

TUNDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Mama Graun
 8.15PM Musik/Spots
 8.30PM NIUS
 8.40PM Helt Riplei
 8.55PM Musik
 9PM Stesen Pas

TRINDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Focus
 8.15PM Musik/Spots
 8.30PM NIUS
 8.40PM Mama Graun Riplei
 8.55PM Musik
 9PM Stesen Pas

FONDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Youth
 8.15PM Musik/Spots
 8.30PM NIUS
 8.40PM Focus Riplei
 8.55PM Musik
 9PM Stesen Pas

FRAIDE - Moring - Nait
 6AM Stesen Op - Nius Hetlain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hetlain na Program Priviu
 7.15PM Musik na Chit-Chat
 7.30PM Nius na Karen Afecas
 8PM Wantok
 8.15PM Musik
 8.30PM NIUS
 8.40PM Youth Riplei
 8.55PM Musik
 9PM Stesen Pas

SARERE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE - Nait
 7PM Stesen op - Ol Nius Hetlain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Plei)
 8PM Lukluk Bek Long Wik
 8.30PM Nius
 8.40PM Musik/Chit Chat
 9PM Stesen Pas

Raun wantaim Wantok kru ...



O'Shen wantaim Junia Lenard Kania taim tupela bung long musik awod. *Poto Nicky Bernard.*

O'Shen wantaim Rebels nogat masin musik

Nicky Bernard i raitim

O'SHEN bai katim wangepa nupela musik albam bilong em na dispela taim em laikim long laip musik stret.

Em tok dispela albam bilong em bai nogat masin musik long em, we planti bilong ol musik manmeri nau i mekim musik bilong ol long en.

Dispela nupela albam bilong em bai em kolim REBELS, na dispela mining bilong dispela albam Rebels long bring olgeta olupela lain em save pilai wantaim taim em stap long Papua Niugini.

"Mi kolim Rebels long tingim ol trupela musik man bilong yumi PNG, kain lain olsem drama, bes gita, lid gita kibod na ol bekap singsing manmeri,"

O'Shen i tok. Em tok tu olsem long CD o Kaset bilong em bai nogat wangepa komputa musik insait em bai laip lid gita, laip bes gita, laip dram na kibod, dispela em musik tru tru.

O'Shen bin raun kam long Papua Niugini taim Yumi FM kamap PNG Musik awod we em bin winim wangepa awod long kamapim gutpela musik na

singsing long bipo. O'Shen i tok taim em laik katim albam bilong em bai em kam long Papua Niugini na pilai wantaim ol brada na susa bilong em long katim dispela Rebels albam bilong em.

"Mi amamas long kam bek long ples na tu lukim ol musik brada susa bilong na em long-pela taim mi stap aut long kantri," O'Shen i tok.

EMTV Television Guide

FONDE ME 9, 2013

4:57 AM G AUSTRALIA NETWORK
 5:00 AM G JOYCE MEYER
 5:30 AM G EMTV NEWS REPLAY
 6:00 AM G TODAY
 09:00 AM CLASSROOM BROADCAST
 9:00am Grade 7 Mathematics
 9:50am Grade 7 Science
 10:40am Grade 8 Mathematics
 11:20am Grade 8 Science
 1:00pm Grade 6 Mathematics
 1:50pm Grade 6 Science
 2:30pm DEPI Program
 3:30 PM G KIDS KONA
 3.30 PM SHARKY'S FRIEND
 4:00PM LOCKIE LEONARD
 4:30PM MORTIFIED
 5:00 PM G KITCHEN WHIZ
 5:30 PM G TRAPPED S1 EP#1

Back up by popular demand

6:00 PM G EMTV NATIONAL NEWS
 7:00 PM G RAITMUSIK
 8:00 PM G RESOURCE PNG EP#70
 9:00 PM G SOKAXTRA
 9:08 PM G HOT SPOT
 9:30 PM PGR ELITE MUSIC ZONE
 10:00 PM PGR NRL FOOTY SHOW
 11:30 PM G EMTV NEWS REPLAY

FRAIDE ME 10, 2013

4:57 AM G AUSTRALIA NETWORK
 5:00 AM G JOYCE MEYER
 5:30 AM G EMTV NEWS REPLAY
 6:30 AM G TODAY
 09:00 AM CLASSROOM BROADCAST
 9:00am Grade 7 Mathematics
 9:50am Grade 7 Science

10:40am Grade 8 Mathematics
 11:20am Grade 8 Science
 1:00pm Grade 6 Mathematics
 1:50pm Grade 6 Science
 2:30pm DEPI Program
 3:30 PM G KIDS KONA
 3.30 PM SHARKY'S FRIEND
 4:00PM LOCKIE LEONARD
 4:30 PM G DAYS THAT SHOOK THE WORLD
 RULE OF THE GUN
 5:30 PM G LAST MAN STANDING - Premieres... Comedy Series
 6:00 PM G EMTV NATIONAL NEWS
 7:00 PM G IN MORESBY TONIGHT - EP#12
 7:30 PM G NRL ROUND 8
 RABBITOHS vs. COWBOYS
 9:30 PM G NRL ROUND 9
 WEST TIGERS vs. SHARKS
 11:30 PM G EMTV NATIONS NEWS REPLAY
 PLAY.....followed by Australia Network.

SARARE ME 11, 2013

4:57 AM G AUSTRALIA NETWORK
 6:30 AM G EMTV NEWS REPLAY
 7:30 AM G ULTIMATE GUINNESS WORLD RECORD
 8:00 AM G YOGA SUTRA EP#7 - Rpt.
 8:30 AM G K-WAVE EXTRA Ep #1
 9:00 AM G TOTALLY SPIES Ep #1 - rpt
 9:30 AM G DANI'S HOUSE S1 Ep #1 - rpt
 10:00 AM G SKILLICIOUS Ep #1 - rpt
 10:30 AM G TRAPPED S1 EP#1 - rpt
 11:00 AM G LAST MAN STANDING p# 1 - rpt
 11:30 AM G AUSTRALIA NETWORK
 5:00 PM G PNG GOLF OPEN HIGHLIGHTS
 5:30 PM G OLSEM WANEM Ep#17
 6:00 PM G EMTV NATIONAL NEWS
 6:30 PM NRL ROUND 9

WARRIORS vs. BULLDOGS

8:30 PM G NRL ROUND 9
 EELS vs. BRONCOS
 10:30 PM G EMTV NEWS REPLAY
followed by Australia Network.

SANDE ME 12, 2013

4:57 AM G AUSTRALIA NETWORK
 6:00 AM G EMTV NEWS REPLAY
 6:30 AM G IT IS WRITTEN
 "Love that Sticks to Your Ribs"
 7:00 AM G HILLSONG
 7:30 AM G AUSTRALIA NETWORK
 8:00 AM G YOGA SUTRA Ep#8 "Insomnia"
 8:30 AM G BUSINESS PNG -Ep# 16 Rpt
 9:00 AM G MARTIN MYSTERY EP#20/20 (F)
 9:30 AM G OLSEMWANEM- Ep#17Repeat
 10:00 AM G RESOURCE PNG -Ep# 70Repeat

TORO



BIABIA



KANAGE



TOKWIN

Sutim dai ol man husat i repim meri...

PASIN bilong repim meri i kamap bikpela long dispela kantri nau... Ol man i no respek-tim ol meri nau.. Ol i ting ol meri em samting bilong kisim skel tasol na lusim ol na ron-awe?.. Yu save mekim olsem i gutpela long yu? Yu save tingim ol susa na mama bilong yu tu? Yu repim meri na taim mama na susa bilong yu i painimaut olsem yu wanpela bilong ol man i repim dispela meri bai ol i sem tru bikos yu tritrim dispela tarangu

meri olsem wanpela dok bilong yu. Yu olsem wanpela animol stret!! Nau yumi harim long Hagen ol raskol i kilim dai wan-pela ovasis man na repim meri bi-long em i daunim stret gutpela pasin bilong Papua Niugini. I no long taim na dispela asua i kamap gen long Karkar ailan long Madang provins.. Madang gavana i harim dispela pasin i kamap long provins bilong em na em i sem pipia olgeta na kraii.. Dispela tu-rangu wait meri kam long mekim sampela wok halivim long kantri bilong yumi na yumi ol pik dok i bagarapim laip bilong em na wok bilong em!. Long autim belhevi bi-

long em, em bin putim wanpela toksave bilong em long wanpela niupepa na autim wari bilong em na laikim gavman mas oraitim **Death Penalti** hariap na kilim dai ol dispela pik dok husat save bagarapim ol meri nating! Kamon Papua Niugini, yumi olgeta manmeri mas kirap nau na sapa-tim dispela **Death Penalti** na gavman mas kamapim strongpela Loa long kilim dai nating narapela na reipim meri nating...Ol asua lain na famili bilong ol tu mas kisim pen bikos narapela tu i kisim pen!! Oraitim **DEATH PENALTI!!**

Tokwin Tasol...

M	A	N	U	S	N	A	L	E	A	H	N	E	T	S	E	W	
Y	A	M	V	K	S	I	N	O	L	A	R	T	E	K	E	D	
Z	R	D	E	A	A	M	E	L	A	B	T	N	E	S	P	C	
S	R	E	A	E	I	S	S	E	P	I	K	P	T	A	O	N	
N	B	B	V	N	C	L	Q	O	Z	R	N	E	V	Z	K	E	
U	N	O	W	R	B	I	A	R	W	F	N	I	D	G	L	S	
B	J	R	Q	T	S	U	F	N	H	Z	F	A	T	V	I	N	
R	B	O	G	E	N	V	I	L	C	O	H	S	I	D	B	A	
E	C	M	S	U	B	R	W	E	T	K	N	E	M	N	Y	L	
T	E	C	D	I	S	I	M	B	U	L	B	Z	R	U	F	I	
E	N	G	A	O	P	E	Z	E	S	N	F	V	E	A	C	A	
N	T	A	E	L	U	W	S	W	E	H	I	P	D	D	O	H	
S	W	B	P	E	I	D	A	L	V	Y	O	L	F	N	U	N	
W	E	S	N	U	B	R	E	T	E	N	I	J	A	P	A	N	E
B	E	I	V	X	N	M	C	P	O	Z	M	G	P	S	B	T	
T	N	M	S	W	A	I	O	B	N	C	V	P	P	T	C	S	
S	A	U	T	E	N	H	A	I	L	A	N	S	O	R	O	I	

Painim ol dispela provins bilong yumi:

MANUS	NU AILAN
IS NU BRITEN	WES NU BRITEN
BOGENVIL	MOROBE
MILEN BE	NCD
WESTEN	ORO
IS SEPIK	SANDAUN
MADANG	ENGA
SIMBU	GALP
SENTRAL	WESTEN HAILANS
ISTEN HAILANS	SALUTEN HAILANS

3		6	4		2			5
				3				1 6
		9		5 7				4
9		2			6 7 5			
8 7								6 9
	6 3 9					4		8
4			5 6			3		
6 9				2				
5			7		8 6			2

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol

A	I	R	N	I	U	G	I	N	I			K	A	G	O	A	
																R	I
P	S		S	I	A	L	E	T							I		R
L		E										A					L
E	A	K								K	N				S	I	
S		I		I						O					U	N	
B		P	N							I	P				T	E	
A	I		J							T					I	K	S
L	T			A					A	I					E	P	
U	I					K	N				K				S	N	
S	R					S	E				T	E					G
U				D						T		E	T				
Y						N					K						
T	K	A										S	I	A			
I	E	L				P	A	I	L	O	T	I					M
S												B	A	L	U	S	A
I			J	I	U	S	E	A	H	O	S	T	E	S	F		

EMTV Television Guide

6:00 PM G	EMTV NATIONAL NEWS	9:50am	Grade 7 Science	TUNDE ME 7, 2013	6:00 PM G	EMTV NATIONAL NEWS	1:50pm	Grade 6 Science	
6:30 PM G	LOVE PATROL S5 EP#5/10	10:40am	Grade 8 Mathematics		7:00 PM G	HAUS & HOME	2:30pm	DEPI Program	
7:00 PM G	TOKPIKSA #17	11:20am	Grade 8 Science	4:57 AM G	AUSTRALIA NETWORK	8:00 PM G	BUSINESS PNG - Ep#16	3:30 PM G	KIDS KONA
7:30 PM G	NRL ROUND 9	1:00pm	Grade 6 Mathematics	5:00 AM G	JOYCE MEYER	8:30 PM PGR	NIKITA S1/EP# 17	3:30 PM	GO DIEGO GO
	PANTHERS vs. STORM	1:50pm	Grade 6 Science	5:30 AM G	EMTV NEWS REPLAY	9:30 PM G	THE VOICE SEASON 2 - EP#16	4:00PM	LOCKIE LEONARD
9:30 PM PGR	THE VOICE	2:30pm	DEPI Program	6:30 AM G	TODAY	11:00 PM G	NATIONAL EMTV NEWS REPLAY	4:30PM	MORTIFIED
11:00 PM PGR	60 MINUTES EP#13	3:30 PM G	KIDS KONA	9:00 AM	CLASSROOM BROADCAST	followed by the Australia Network	5:00 PM G	TRICKY TV
12:00 PM G	HILLSONG	3:30 PM	SHARKY'S FRIENDS	9:00am	Grade 7 Mathematics			5:30 PM G	SKILLICIOUS - Premieres...
12:30 AM G	EMTV NEWS R PLAY	4:00PM	LOCKIE LEONARD	9:50am	Grade 7 Science			5:57 PM G	CRIME STOPPERS
.....	followed by Australia Network.	4:30PM	MORTIFIED	10:40am	Grade 8 Mathematics			6:00 PM G	EMTV NATIONAL NEWS
		5:00 PM G	KITCHEN WHIZ	11:20am	Grade 8 Science			7:00 PM G	FACT FILES
		5:30 PM G	TOTALLY SPIES....Premiere...	1:00pm	Grade 6 Mathematics	4:57 AM G	AUSTRALIA NETWORK		BUSH PILOTS EP#5
		5:57 PM G	CRIME STOPPERS	1:50pm	Grade 6 Science	5:00 AM G	JOYCE MEYER	8:00 PM G	TOKPIKSA Ep#16 - Repeat....
		6:00 PM G	EMTV NATIONAL NEWS	2:30pm	DEPI Program	5:30 AM G	EMTV NEWS REPLAY	8:30 PM PGR	THE MENTALIST - S1/EP#17/23
		7:00 PM G	NRL ROUND 8	3:30 PM G	KIDS KONA	6:00 AM G	TODAY	9:30 PM G	NATIONAL EMTV NEWS REPLAY
4:57 AM G	AUSTRALIA NETWORK	8:57 PM G	EMTV TOKSAVE	3:30 PM	SHARKY'S FREINDS	09:00 AM	CLASSROOM BROADCAST	followed by the Australia Network
5:00 AM G	JOYCE MEYER	9:00 PM G	COCA - COLA SPORTS SCENE	4:00PM	LOCKIE LEONARD	Grade 7 Mathematics			
5:30 AM G	EMTV NEWS REPLAY	9:30 PM G	THE VOICE SEASON 2 - EP#15	4:30PM	MORTIFIED	Grade 7 Science			
6:00 AM G	TODAY	11:00 PM G	EMTV NATIONAL NEWS REPLAY	5:00 PM G	KITCHEN WHIZ	Grade 8 Mathematics			
09:00 AM	CLASSROOM BROADCAST	followed by Australia Network.	5:30 PM G	DANI'S HOUSE - PREMIERES	Grade 8 Science			
9:00am	Grade 7 Mathematics					Grade 6 Mathematics			

Ol Progam na Kilok i ken tenis oltaim...

Mada's De Saplimen

Monica Gini, mama bilong salim skon



Mama Monica i save salim ol flaua skon long Manu Maket stat long 6 kilok moning *Poto: Frieda Kana*

I kam long pes 8...

Wanpela taim, mama Monica i bin driman olsem wanpela haus lotu i kamap arere long haus bilong em na nau trupela olsem haus lotu i stap klostu long haus bilong em na olgeta Sande moning em i save stretim ples bilong lotu na putim ol naispela flawa i kam long flawa gaden bilong em stret. Dispela kain plawa, taim ol lain i salim long ol hotel o opis, ol i save kisim olsem K35 o K50 long wanwan flawa glas. Tasol mama Monica i givim fri long bilasim haus lotu.

God i save blesim em wantaim maket bilong em long salim flawa skon long Manu Maket. Em i save kisim olsem 100 Kina o 200 Kina long wanwan de. Taim em i go bek long haus em i save go long gaden na painim kumu na paia wut gen long kuk long apinun. Long haus bilong em long wanpela de em i save skelim olsem 25 plet kaikai na sampela taim 30, tasol em i save inap tasol.

Wanpela pasin mi lukim long dispela meri em i laikim God tumas na dispela laikim em i helpim em long lukautim kainkain lain i no lain Tari tasol, nogat, ol lain i kam long lotu na i nogat ples long stap em i save lukautim ol tu. I gat wanpela spesel pikinini nem bilong em Kimai, nau em i stap wantaim em olsem bebi bilong em. Mama bilong em bin ranawe na lusim em taim em i bin seven mun tasol. Kimai nau em i gat sikspela krismas na helti pikinini.

Papa bilong dispela pikinini em i wanpela soldia i save wok long Goldie na slip long Mari Bareks. Papa i kisim dispela pikinini na givim long Monica long lukautim wantaim botol susu. Nau dispela pikinini i bikpela mangi na papa i laik kisim em bek tasol olgeta taim em traim long

kisim em, pikinini i save kraik long mama Monica na kam go gen.

Wok misin bilong mama Monica em long olgeta gavman potnait Fraide em i save go long bikpela hausik long tri mail long Wot 4B na em save givim fruit na klos long ol siklain long hap. Em i no bringim kaikai na klos tasol, nogat. Em i save go na prea long ol siklain husat i laikim prea. Em i gat stori long planti taim ol siklain i save kamap orait bihain long em i prea long ol.

Olsem wanpela yangpela boi Lasarus em i bin kisim sik na lek, han bilong em i dai tasol em i kamap orait gen taim Mama Monica i prea long em.

Mama Monica em i piksa bilong ol planti mama olsem husat i save maket na lukautim famili bilong ol, tasol samt-ing em i narakain long dispela meri em olsem em i save long taim bilong olgeta wok em i laik mekim wok bilong Bikpela.

Olgeta Trinde em i de bilong mama felosip, olsem na em i no save kukim planti skon na long moning em i go salim bai pinis hariap na 9 kilok na em i save go bek long haus na redi long meri lotu long hap pas 9.

Na wankain long Sarere em i no save kukim skon bikos em i wok long gaden na tu malolo na redi long lotu long Sande. Monica i no save sot long mani na kaikai. Maket bilong em i save givim inap mani yet long lukautim olgeta famili na helpim ol narapela lain tu.

"Yumi helpim turangu lain olsem na yumi ino ken maket tasol, sampela taim yumi mas go long hausik na mekim wok bilong God.

Em God bai blesim yumi. Mama de em taim bilong malolo na ol mangi bai kukim kaikai bilong mipela," Monica i tok.

Bikpela mekim gut long wanpela singel mama

Frieda Kana i raitim

PLANTI meri i save painim hat tru taim man i lusim ol, maski ol i gat bikpela save na wok mani. Pastor Barbara Lunge, meri i save raitim gutpela tok skul long wanwan wik insait long meri pes bilong Wantok Niuspepa i stori liklik moa long laip bilong em.

"Ol doa i op long mi lukim blesing i kam insait long bilip tasol. Mi mekim planti bikpela na gutpela wok bikos mi singel we mi no nap mekim sapos mi stap yet wantaim man bilong mi.

Mi bin yangpela mama stret long 1982 taim man i lusim mi. Melissa, namba wan pikinini meri em i bin 5-pela krismas na Jessica em i bin 3-pela krismas tasol. Nambtri pikinini man, Joshua em i kam insait long laip bilong mi na ol pikinini meri long yia 1990 taim mipela i kamap Kristen pinis.

Mi greduet long Yunivesiti ov Goroka wantaim Diploma bilong Tis, na long Yunivesiti bilong Papua Niugini, wantaim Bachelor ov Edukesen, na mi kamap wanpela Sekederi Skul tisa.

Taim papa i lusim mipela, mi wok yet olsem tisa na lukautim famili, tasol mi painim hevi long wok bilong mi yet na ol pikinini tu i painim hevi. bilong wanem papa i no moa stap wantaim mipela. Wanpela taim, mi rait stap long blakbot long klasrum na mi airaun na pundaun nating. Ol i kisim mi hariap go long haus sik na dokta sekim mi na tokim mi olsem mi gat hai blat presa na mi mas malolo liklik.

Pikinini bilong mi i no mekim gut long skul wok bilong ol na ripot i bagarap. Taim mi go lukim tisa bilong pikinini, em i tokim mi olsem pikinini gel bilong i save driman nating na sindaun i stap. Olsem na mi askim strong pikinini bilong mi long haus, watpo na yu save mekim olsem ah? Na pikinini i kraik na tokim mi, "mama, mi save lukim papa bilong ol narapela pikinini i save kam long lukim ol na mi save wari olsem papa bilong mi i no save kam long lukim mi." Man dispela em i brukim lewa bilong mi na mi nogat tok long helpim pikinini bilong mi.

Planti man i gat mani i

save askim long maritim mi, tasol mi no laik. Mi marit pinis long haus lotu na mi no nap bai marit gen tupela taim, mi pret long bel hat bilong God.

Ating God i onaim mi long dispela tingting olsem na na mi painim bel isi gen.

Laip bilong mi stat long senis taim mi givim laip bilong mi long Bikpela long yia 1986, mun Epril, long ista Kem long Laloki Hai Skul. Taim mi tanim bel, narapela kain senis i kamap insait long spirit bilong mi. Mi no moa wari na mi amamas tasol na mi laik singsing na prea long God tasol na tokim ol narapela long God i mekim bikpela samt-ing na ol i mas tanim bel.

Nau isi, isi dispela nupela laip i kamap long ol pikinini bilong mi, ol fren na famili bilong mi na bilong man bilong mi. God i mekim mi kamap pikinini tru bilong em bikos mi bilip long nem bilong pikinini bilong em, olsem Tok bilong God long buk Jon, sapta 1 na lain 12 i tok.

Mi lukim laip long nupela wei na mi luksave olsem i gat gutpela samt-ing bilong mi mas i stap laip na mekim. Wok bilong God long laip bilong mi i stat long kamap ples klia long bikpela wei taim mi lukluk moa long baibel. Mi luksave olsem, em i laik bilong God long mi mas karim dispela hevi bilong marit, long helpim mi long kamap stretpela meri long bihainim plen na laik bilong em. Mi kisim strong long dispela tingting long piksa bilong Jisas long taim em tu i karim pen long kisim bek, oraitim na rausim ol manmeri long kalabus bilong sin.

Namba tu blesing, tupela pikinini meri bilong mi i pinisim skul long bikpela kolis na univesiti wantaim nambawan mak. Namba tu pikinini bilong mi, Jessica, i pinisim skul bilong em long New Zealand na kisim Masta Digri long Linguistik (Masters Degree in Linguistic). Bikpela pikinini meri bilong mi, Melissa, nau i stap tis olsem sekederi skul tisa long Goroka na em tu i bin greduet long Goroka Yunivesiti.

Namba tri pikinini bilong mi, Joshua Kiruhia nau em i stap mekim yia 4 bilong em long Divine Word Yunivesiti

long skul bilong raitim nius (Journalism). Nau long dispela yia 2013, em ol lain em i bin wok wantaim ol long skul holide taim bilong em, i wanbel long peim ful skul fi bilong em, na mi bai tok wanem long dispela. Em papa tru bilong em God long heven i peim skul fi bilong em na mi no moa wari long painim. Mi no wok moni nau, mi laik mekim wok bilong God tasol olsem na mi no save kisim pe bai mi ken peim skul fi bilong pikinini bilong mi. Mi lukim han bilong Bikpela long inapim olgeta famili bilong mipela.

Mi givim bikpela ona na biknem long Bikpela Jisas Krai long blesim tru famili bilong mi na bikpela amamas mipela i save gat insait long famili bilong mipela.

Ol pikinini i gutpela samt-ing Bikpela i givim, olsem na taim papa i no stap, God em i gat promis bilong ol i stap.

Profet Aisaia i tok long sapta 54, na lain 13, "Bai mi yet mi skulim ol pikinini bilong yu, na bai ol i gat gutpela sindaun tru."

God i laikim yumi long kamapim ol pikinini i save pretim God na kamap gutpela sitisen bilong kantri bilong yumi. God em i papa tru na het bilong famili na em i save givim kaikai na ol gutpela samt-ing long yumi olsem tok bilong em i tok long Sam 68, lain 5.

Mi inap long lusim kantri na go ovasis na mi kamap inglis tisa long 2003 i go 2007 long Guangdong Yunivesiti ov Teknologi, Guangdong Provins long Saina. Mi bin tisim tok inglis olsem namba tu tokples long ol sumatin bilong Saina. Mi bin go olsem turis pastaim na bihain mi painim wok. Mi kisim sampela lain Papua Niugini wantok tu taim mi stap long hap, na nau i wok stap long Saina.

Mi kisim tu sampela lain long sotpela taim olsem tripela mun lukluk raun o sikspela mun long lukluk raun long ol fektori bilong Saina nap les bilong mekim bisnis. Mi i nap long go long arapaela ol kantri olsem israel, Singapu, Filipins, na mi redi long go long planti moa bihainim laik bilong Bikpela taim em i opim dua long mi go.

Mi gat bikpela selebre-

sen na tenkyu go long God, long witnesim na givim ol pikinini meri bilong mi long kisim Kristen marit insait long haus lotu we wokman bilong God i blesim marit bilong ol. Planti pikinini meri na man husat i no bin gat gutpela famili laip taim ol i liklik na kam antap, i save laik kamapim pikinini nating na i no marit gut insait long sios. God em i gutpela na tupela pikinini bilong mi i lainim long pretim God na bihainim ol loa bilong em. Nau tupela wantaim i gat gutpela marit laip na amamas long God i winimim pait long laip bilong tupela. Melissa nau i gat tupela pikinini boi na wanpela pikinini gel.

"Mi, olsem wanpela singel mama i kamaut long hevi bilong marit tasol, mi noken kamap olsem wanpela kago bai givim hevi long nesen, nogat, mi mas helpim long kamapim wok bilong nesen wantaim gutpela wei bilong lainim ol pikinini bilong mi long ol i mas skul gut na stap long gutpela Kristen marit laip long helpim nesen," Pasto Barbara Lunge i tok.

Bikpela i givim mi wanpela wok ministri, "Rivers of Grace intenesenel Ministri (ROGIM) long bringim laikim bilong God i go long ol lain i wari na painim bagarap i stap long wol. Mi wok long painim ol wokman meri long trenim ol long wok insait long ROGIM ministri long bringim gutnius bilong God bilong sikman i ken kamap orait, man i gat hevi na wari i ken kamap fri, na bringim ol famili i bruk i kam bek gen na bringim senis long Papua Niugini na arapela kantri tu.

Gutnius bilong Jisas Krai i bringim bikpela senis tru insait long nem na namba bilong ol meri. Laikim na mak bilong God i bin stap antap long viergo Maria em i olsem stat bilong dispela mak bilong God long ol meri.

Yu ritim stori long buk bilong Luk sapta 1, lain 28, 30 na 42.

God tu i ken yusim yu, sapos yu givim yu yet long em tude. Stori bilong dispela mama i soim olsem ol singel mama tu i ken painim gutpela sindaun na helpim kantri i go het wantaim helpim bilong Bikpela Jisas Krai.

PNG Pawa redi long stretim pawa wantaim ADB loan

STANLEY NONDOL i raitim

EKTING Sif Eksektiv Opisa o CEO bilong PNG Pawa John Tongit, i tok PNG Pawa i redi long stretim tupela bikpela pawa stesen long Pot Mosbi wantaim \$66.7milian o moa long K100 milian ADB loan, na PNG Pawa yet bai stretim olgeta pawa stesen long kantri long givim gutpela sevis long ol kastoma.

Mista Tongit tok PNG Pawa i redi, na bai go pas long stretim tupela pawa stesen long Pot Mosbi, em Kanudi na 8 -mail wantaim mani halivim we PNG gavman sainim wantaim ADB las wik long India Kepitol Niu Deli. Mista Tongit tok gavman go pas long dispela lon long ADB em gutpela tru long stretim pawa stesen na apim mak bilong pawa long Mosbi.

Mista Tongit tok PNG tu nau i lukluk long givim gutpela pawa sevis long ol kastoma long olgeta senta bilong kantri stat long dispela yia wantaim bikpela lukluk long stretim ol bikpela masin na samting bilong wok pawa we stap long bikpela bagrap.

Nupela ekting CEO Tongit long Tunde dispela wik taim em launsim nupela logo bilong PNG Pawa long makim 50 yia anivesary, tok ol teknikel tim go aut pinis long ol senta bilong kantri na nau wok long ol bikpela pawa senta na bai painim aut wanem samting o asua



NUPELA YUNIFOM:
PNG Pawa wokmanmeri i sanap wantaim nupela yunifom bilong ol na nupela senis long logo, bai i strongim wok bung bilong ol long givim gutpela sevis long ol manmeri long kantri.

we save kamapim hevi long pawa, na PNG Pawa bai stretim dispela ol bagrap samting long givim gutpela sevis tru long ol kastoma.

Asian Developmen Benk na PNG Gagman long las wik long India kapital, New Delhi sainim tupela dinau long apim mak bilong pawa saplai long Pot Mosbi go antap long 74% long halivim moa long 3,000 kastoma we inkam o mak bilong ol em daunblo.

Direkta Jenerel bilong ADB Pasipik Dipatmen Xianbin Yao taim PNG gavman I sainim wantaim ADB long 46 Anual Miting tok Dispela tupela dinau bai halivim husait no save kisim pawa bipo bai

nau ken kisim long liklik mani. Em tok ADB apim pawa saplai long mekim laip bilong ol pipel isi we ol pipel ken kisim pawa long liklik mani na ken mekim liklik bisnis long sapotim laip bilong ol.

Narapela dinau em US\$ 66.7milian o moa long K100 milain stretim na apim mak bilong tupela hairdo pawa long saplaim elektrisiti long Mosbi. Dispela bai daunim namba bilong husat save yusim paiawut na gas na ol arapela samting long kuk na mekim bisnis na dispela tu bai halivim wok bilong PNG Pawa surukim elektrisiti bisnis.

Dispela dinau mani em bai kamapim ol pawa wok insait long 4

pela yia na PNG gavman i sapotim tu wantaim US\$ 16.3milian o moa long K48 milian. Namel logng dispela ol dinau, US\$ 15milain o K45milian em kam long Esian Developmen o ADF na \$51 milian o moa long K100m long ADB kepitol risos.

Taim PNG gavman joinim ADB long 1971, i kisim 75 loan long mani mak bilong US\$ 1.5 bilian o moa long K4.5bilian na ADF long US15milain o moa long K45 milian na 148 Teknikel Asistens projek long US\$ 62.8 milian o moa long K188 milian.

ADB opis long Sydney, Australia, I tokaut long sampela loan PNG

nau gat wantaim ADB em; 19 soveren loan(\$661.7 milian), tupela praivet sekta projek (\$ 58 milian), wanpela ADF gren (\$15 milian) na 11-pela TA projek (\$9.6 milian).

Ol dispela mani em nau PNG gavman kisim long ADB olsem dinau. Moa long em ADB tok PNG gavman kisim \$78.8 milian long wok wantaim ol narapela developmen patna.

ADB vies long Manila na em wok hat long daunim poveti long Esia na long Pasifik na sapotim ekonomik groa. ADB em bilong 67 memba kantri na 48 em bilong rijen yet long Esia.



Advertise your Business right here!!

We deliver your message right to the remote areas of PNG where others don't go.

Wantok Niuspepa is your medium to communicate your business now.

Niuspepa Bilong Yumi Ol PNG Stret!!



Call the Advertising team on,
Ph: 3252500 Fax: 3252579 or
Email: wantok.com.pg or
Website: www.Wantokniuspepa.com

19t /MB
7pm - 7am

For More Information on Telikom Products & Topup Call Your Nearest Outlet

• Adani - 841 5285	• Masing - 422 2232
• Doreki - 832 2183	• Mt Hagen - 842 2400
• Kaniok - 837 3003	• POMA (Kororua) - 800-8900
• Kaniok - 844 2088	• POMA (Vunatu City) - 312 8147
• Kaniok - 882 8284	• Popondetta - 825 7281
• Kaniok - 882 9393	• Telekom Portmoresby - 322 2222 / 2212
• Kaniok - 826 1360	• Wewak - 457 1120
• Lae - 473 9111 / 9112	• Wewak - 436 2888

TELIKOM PNG
Always Here!

24/7 Customer Care: Call 343 4789 or www.telikompng.com.pg



Ramu Projek MOA Riviu Miting kamap long Madang

OL STEKHOLDAS bilong Ramu Nickel Projek i sindaun dispela wik stat long Tunde long Madang long pasim toktok long Memorandum ov Agrimen Riviu miting.

Dispela MOA Riviu Miting we Mineral Risoses Atoriti i ogenaisim em long lukluk long wanem ol bikipela halivim na wok bisnis Projek i ken helpim ol stekholdas long taim bilong operesen bilong Ramu Nickel Projek insait long Madang Provins.

Dispela bikipela miting i lukim lida bilong ol lenona asosesen, ol lain bilong Stet (Gavman), ol provinsal administresen lain na tu tripela Nesenel Memba bilong Madang i stap.

Long Tunde moning i lukim tripela Nesenel Memba bilong Madang, em Gavana bilong provins, Jim Kas, Memba bilong Usino-Bundi, Anton Yagama na Memba bilong Raikos, James Gau i stap long dispela bikipela miting long skelim toktok long wanem samting i mas kamap long gutpela bilong Ramu Nickel Projek long Madang provins.

Memba bilong Usino-Bundi, Anton Yagama i opim toktok long Tunde long MOA riviu miting makim Madang Provinsal Gavman, na tu em Siaman bilong Mains insait long Madang Provinsal Asembli.

Mista Yagama i givim strongpela toktok na tu salens i go long olgeta lain olsem ol LOA na tu ol lain bilong gavman na tu divelopa long pasin bilong wok bung wantaim na lukim Projek i kamap orait long sevim intares bilong olgeta stekholdas.

MP Yagama i tokim MOA riviu miting long Tunde olsem ol lida i mas toktok gut na pasim gutpela toktok na sapos ol i kamap wantaim gutpela tingting orait ol i ken givim tok

"Yumi mas stretim ol hevi long gutpela stretpela pasin olsem ol bikimela we ol pipel i makim mipela," Mista Yagama i tok.

Em i tok tu olsem Ramu Nickel Projek em wanpela bikipela Projek tru, na olgeta lain i mas toktok long gutpela blong projek na lukim olsem wanem samting i kamap pastaim

Long Tunde moning i lukim Madang Provinsal Gavman i givim posisen pepa bilong en insait long dispela MOA Riviu Miting

Gavana bilong Madang, Jim Kas i bin givim posisen pepa bilong Madang Provinsal Gavman long dispela MOA Riviu miting, we em i toktok long planti gutpela toktok na setmen we i sapatim tru Ramu Nickel Projek.

Gavana Kas i tokaut long 20-pela poin insait long Posisen Pepa bilong en makim Madang Provinsal Gavman sea insait long Ramu Projek.

Insait long posisen pepa bilong Madang Provinsal Gavman, Mista Kas i tokaut olsem Madang provinsal gavman i amamas long skelim 20% sea bilong royalty bilong em i go long ol Lokal level Gavman na narapela 3% i go long ol lain long lsmen eria aninit long MOA.

Mista Kas i tokaut tu long posisen bilong Madang Provinsal Gavman long kirapim Ramu Developmen Faundesen long dispela yia 2013 na dispela ofis bai stap insait long Madang Provinsal administresen na tu em bai tekova long wok bilong Menesmen Sevises Kampani.

Gavana Jim Kas i tokaut tu olsem em bai givim K600,000 long kirapim wok bilong Ramu Developmen Faundesen.

Bihain long Madang Provinsal Gavman i givim posisen pepa bilong en long Tunde, divelopa Ramu NiCo Menesmen i givim presentesen bilong ol long tripela program we kampani i redim long givim ol pipel insait long Projek eria long dispela yia 2013.

Em gutpela nius tru taim Ramu NiCo i givim presentesen bikos ol i tokaut long skul fi helpim em kampani bai givim, na tu helt sapat i go long ol helt senta we wok-bung bai kamap namel long kampani wantaim Madang Provinsal Helt ofis. Narapela helpim Ramu NiCo i tokaut long en long MOA riviu em long Intares-fri Lon o dinau-mani, we kampani bai givim i go long ol famas long sait long sapatim wok bilong agrikalsa long ples.

Wanpela strongpela toktok deputi jeneral menesa bilong Komyuniti Afes Dipatmen bilong Ramu NiCo, Stotick Kamyia i givim i sut long sait long menesmen bilong ol bisnis mani em kampani i givim i go long ol lenona kampani.

Mista Kamyia i tokaut olsem planti ol lain lenona kampani i no strong yet long sait long menesmen na dispela em wanpela samting Ramu NiCo menesmen i wok

long glasim long sait long kontrak em i givim aut.

Ol lain fesiliteta bilong Tanorama husat i bin kontrolim miting i tokaut olsem "Win-win" em namba wan samting insait long wanem miting i mas kamap na dispela em ol lain stekholda i harim na gohet long miting.

Foma Maining Minista, Sam Akoitai, husat nau em wanpela konsalten wantaim Ramu NiCo i bin stap long dispela miting na i tok em i amamas long lukim olsem olgeta lain stekholda i toktok gut na nogat belhat na kros pasin i kamap.

Em i tokaut olsem ol papagraun em bikipela samting na intares bilong ol i mas go pas, na dispela em kampani i lukluk long en na kain MOA riviu miting olsem em gutpela long toktok i go kam na lukim senis i ken kamap.



Ramu NiCo Komyuniti Afes Jeneral Menesa, Martin Paining mekim toktok.



Usino-Bundi MP, Anton Yagama laik lukim ol LOA lida i wok strong long helpim ol pipel long ples.



Gavana bilong Madang, Jim Kas i sapatim Ramu Projek long Provins na bai putim K600,000 long kirapim Ramu Developmen Faundesen.



Vais Presiden na Dairekta bilong Ramu NiCo, Gu Yuxiang i givim toktok long MOA riviu miting.

Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nickel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

'Wanpela Ramu NiCo, Wanpela Komyuniti'

Maprik pipel kisim gutpela wara saplai

MAPRIK em wanpela liklik rurel taun long Is Sepik provins na ol pipel long hap nau bai gat gutpela wara bilong dring, kuk long em, waswas na yusim long ol narapela samting long haus na ples.

Tok tenkyu i go long Yuropien Yunien (EU) na 27 memba kantri husat i givim K13 milian long wokim ol wara projek long ol rurel ples na pipel insait long Maprik Is Sepik, Finsafen long Morobe Provins, na Kainantu long Isten Hailans.

Dispela manimak i kam long namba 9 Yuropien Developmen Fan (EDF).

Wara PNG wantsaim Dipatmen bilong Nesenel Plening i menesim PNG-EUDistrik Taun Wara Saplai

Progrem.

As tingting bilong dispela progrem em long kamapim gut laip na sindaun bilong ol pipel long rurel eria na ol liklik taun i stap longwe taim ol i givim ol sans long kisim gutpela klinpela wara.

Aninit long dispela progrem, samting olsem 15,000 pipel long tripela distrik long Is Sepik, Morobe na Isten Hailans provins i kisim gutpela na klinpela wara saplai long en.

Delegesen bilong EU i luksave long kontribusen bilong 27 EU memba kantri long EDF.

Tupela memba kantri i save givim bikpela kontribusen stret em Frans na Yunaitet Kingdom i stap long PNG.



RUREL WARASAPLAI: Ambaseda bilong Yuropien Yunien Dokta Martin Dihm na wanpela bikman i lukluk raun long ol masin we bai givim gutpela wara saplai i go long ol pipel bilong Maprik, Is Sepik provins. *Poto: EU opis*



MAPRIK WARATENG: Hia em bikpela teng i holim wara bilong Maprik taun em Yuropien Yunien i bin fandim na lonsim long las wik. *Poto: EU Opis*

Tupela ADB Dinau mani bai helpim pawa saplai long Mosbi

ESIA Developmen Beng (ADB) na gavman bilong Papua Niugini (PNG) i sainim pepa long kisim tupela bikpela dinau mani bilong bringim moa pawa long ol pipel long Pot Mosbi.

Pot Mosbi bai skelim 74 pesen moa pawa i go long 3,000 liklik haus lain insait long siti.

Dispela tupela dinau mani em ol bin sainim long Nu Delhi, india.

“Dispela prosek bai givim gutpela pawa long ol liklik haus we i nogat pawa bipo,” Xianbin Yao, Dairekta Jeneneral bilong ADP Pasifik Dipatmen, i tok long taim ol i sainim dispela dinau mani.

“Gutpela moa pawa saplai long ol ples we ol i makim pinis bai kamapim gutpela sindaun bilong ol pipel na em i tok strong long ol lain i no save kisim bikpela pe long ol i mas kamapim ol liklik bisnis wantaim dispela pawa,” Xianbin Yao i tok.

“\$66.7 milian dinau mani bai helpim long yusim gut haidro pawa taim ol i stretim na litimapim moa wok bilong tupela haidro pawa plen nau i save bringim pawa long Mosbi Siti.

Dispela bai daunim hevi bilong yusim fosil fiul na kamapim moa sans long yusim gutpela pawa saplai i kam long Pot Mosbi pawa grit.

Bihain, dispela prosek bai helpim Pot Mosbi pawa grit opereta, PNG Pawa Limited (PPL) long mekim pawa i kam long haidro i go bikpela na kamapim gutpela moa pawa saplai.

Dispela prosek bai i kamap insait long foapela yia, wantaim 16.3 milien dola long Gavman bilong PNG. Dispela dinau mani i nap long mani mak 5 milien dola i kam long Esia Developmen Fan (ADF) na 51.7 milien dola i kam long ol samting bilong wok bilong ADB yet.

Stat long taim PNG i bin join wantaim ADB long 1971, kantri i bin kisim pinis 75 dinau mani

mak inap long 1.5 bilien dola, na wanpela gren mani i kam long Esia Developmen Fan (ADF) long 15 milien dola, na 148 Teknikel Asistens (TA) prosek mani mak 62.8 milien.

Long dispela taim nau, i gat 19-pela dinau mani i kam long gavman, mani mak bilong (661.7 mi-

lien), tupela praivet sekta prosek (58 milien dola), wanpela ADF fren (15 milien), na 11 TA posek (9.6 milian dola) i wok stap. Moa long dispela, PNG i gat 78.7 milien dola helpim bilong mani i kam long ol arapela patna bilong developmen bilong kantri.

ADB i stap long Manila, na em i save wok strong long helpim ol lain i nogat mani o i save sot tumas long mani long Esia na Pasifik. Em i save helpim ol kantri long kamapim ikononi bilong ol, wantaim ol gutpela we bilong lukautim graun, na bus na wok bung wan-

taim olgeta nesen. Ol i bin kamapim ADB long yia 1966 na i gat 67 papa kantri i kam long 48 rijen. Long 2012, ADB givim helpim inap long mani mak 21.6 bilian dola em i bungim wantaim \$8.3 bilian we ADB i bungim mani wantaim ol narapela long mekim wok.

Westpac kisim bek sevis go long rurel ples

OL ples lain long Viefa'a long Mekeo eria long Bereina Distrik long Sentrel provins, nau gat sans long mekim ol benking sevis long ples bihain long Westpac benk go long hap na putim instoa benking sevis.

In - stoa benking sevis bai larim ol kastoma bilong Westpac long witro, dlposit, sekim akaun balens, sekim benk stetmen na mekim akaunt transfe. Ol dispela sevis nau ol Mekeo lain i usim EFTPOS masin long mekim long ol in -stoa o lokel mesent bilong Westpac.

Bosman bilong Reteil Benking, AdamDowine tok Westpac Benk i gat strongpela tingting na lukluk long halivim ol ples manmeri long lukautim mani na i no bilong givim benking sevis long ol taun na siti lain tasol na tok moa olsem Westpac in-stoa program em bilong kisim sevis go long haus dua long ples we ol pipel stap long en.



Madelyn Aufa bilong Veifa'a em namba wan meri long kisim pre-generated endi kad long Westpac Everywhere Benking Opisa, Aera Alickson.

Wanpela sif bilong Mekeo, Lui Akaina tok “Benking sevis mipela ting em bilong ol biklain tasol nau mipela lukim ol benk lain kam long ples na givim kain sevis em bikpela samting long ol ples manmeri”

Planti ol ples lain tu tok bikpela amamas long Westpac benk long opim ai bilong ol long kisim sevis go long haus dua stret na tok dispela sevis em isi tru long usim na nogat bikpela fi sas.

Planti Moa flait Olgeta Taim


• Port Moresby ↔ Tari

Ringim telefon 72222151 o lukim
websait www.apng.com

Airlines PNG

COME FLY OUR WAY

Baim siot na helpim Tim PNG



DISPELA wik bai gat tupela bung bilong PNG Spots Federesen na Olimpik Komiti (PNGSFOC) i kamap we ol bai traim long salim ol Trukai Fun Run siot long ol bikpela kampani, grup na gavman dipatmen.

Namba bung i kamap long Lae long aste (Trinde) nait na namba tu bung bai kamap long Mosbi tete (Fonde) nait.

Dispela ol siot em we ol manmeri save werim na ron insait long Trukai Fun Run resis we i save kamap olgeta yia long Jun.

Mani ol i save kisim long salim dispela ol siot, i save go long wok bilong salim PNG tim i go long ol bikpela gem olsem Mini Pasifik Gems, Pasifik Gems, Komonwelt Gems na tu Olimpik Gems long ol arapela hap long wol.

Ol siot i save kam long we?

Dispela ol siot i save kam long mama spona bilong Fan Ran (Fun Run), nau yet, Trukai industries husat ol i save mekim "Trukai Rice", i spona olsem na ol siot i save kam long ol.

Bipo long Trukai, mama spona i bin SP Brewery husat ol i ronim Fun Run aninit long nem bilong loliwara dring bilong ol, Pepsi.

Long dispela taim ol i bin kolim Pepsi Fun Run tasol dispela i senis i go long "Trukai Fun Run" taim Trukai kisim ples olsem mama spona.

Trukai stap 14 yia nau olsem spona bilong dispela Fun Run na i save bungim ol manmeri olgeta yia long amamas wantaim na tu helpim nesenel tim bilong kantri biong ol.

Olsem mama spona bilong Fun Run, Trukai save kisim ol siot i kam long ovasis bihain long ol i putim olgeta mak, kala na nem bilong ol antap long en.

Trukai save putim tu sampela toksave bilong gutpela na helti sindaun long baksait bilong ol siot tu.

Long las yia i go, ol i bin putim toksave bilong lukaut long sik HIV na AIDS, dispela yia, ol Trukai siot i karim toksave bilong sik TB olsem em i strongpela tasol i gat marasin bilong en long pinism.

Ol i save lusim sampela spes i stap long baksait na fran bilong siot bilong ol arapela spona long put mak bilong ol tu bihain long ol i baim dispela ol siot.

Taim ol i kisim ol dispela siot i kam long PNG, Trukai save givim i go long PNGSFOC long salim long ol arapela spona.

Ol spona i save resis long baim dispela ol siot bilong givim long wanwan skul insait long komyuniti bilong ol.

Mani bilong baim ol dispela siot bai go bek long PNGSFOC long helpim PNG tim.

Husat spona i winim moni mak long baim dispela ol siot bai putim mak bilong ol antap long ol siot na givim i go long skul we ol i baim bilong ol.

Dispela ol skul bai salim ol siot long ol sumatin bilong ol na prais bilong en i noken abrusim K10.

Mani ol skul i kisim long salim dispela ol siot em bilong ol yet long mekim ol wok bilong ol.

Trukai Fun Run

Long taim bilong Trukai Fun Run, olgeta manmeri husat i laik stap insait long dispela



PLES i PAS: Ol manmeri pulap long Sir John Guise stedium long Mosbi long 2012 long sap insait long Trukai Fun Run resis.



RESIS: Ol manmeri amamas long bung wantaim na ron long 2012 Trukai Fun Run long Mosbi.



ROT i PAS: Ol manmeri save pulaim rot stret long taim bilong Fun Run olgeta yia.



HATIM SKIN: Sampela ol PNG etlit bilong 2012 Olimpik Gems i go pas long sampela liklik ekseis long hatim skin bipo long Fun Run i stat long Mosbi las yia.

pilai mas i gat Trukai Fun Run siot.

Yu ken baim dispela siot long ol skul, ol kampani spona husat i baim o long opis bilong PNGSFOC.

Sapos nogat, yu ken baim long de bilong pilai tu.

Em i gutpela long yu gat dispela siot taim yu stap insait long dispela pilai bilong wanem em bai soim olsem yu wanpela bilong ol lain husat i rejista wantaim ol ogenaisa bilong en. Ol wokmanmeri bai ken luksave na was

long yu tu na yu ken kisim helpim sapos yu bungim sampela hevi namel long rot.

Trukai Fun Run em i gutpela taim bilong bung wantaim ol arapela manmeri insait long komyuniti na tu helpim bodi bilong yu kisim gutpela ekseis na win taim yu wokabaut o ron.

Long wankain, dispela bung i soim sapot bilong ol manmeri long ol namba wan spots manmeri bilong PNG husat i save makim kantri long ol bikpela gem olgeta yia.

Wok bilong Trukai Fun Run dispela yia bai lukluk long salim tim i go long liklik (Mini) Pasifik Gems long Wallis & Futuna long Septemba dispela yia.

Trukai Fun Run bilong dispela yia bai kamap long Jun 23 long Lae, Mosbi na sampela moa ples insait long kantri.

Em i wanpela gutpela de bilong bung na amamas wantaim ol arapela na yu mas baim wanpela siot bilong yu na stap insait long en.

Eels vs Broncos

DISPELA wik, ol turangu Eels bai bungim narapela hetpen gen taim ol i bungim Brisbane Broncos long Sarere.

Ol bai pilai long hom graun bilong Eels long Parramatta Stadium, tasol Broncos i gat nem pinis long winim olgeta gem bilong ol long hap.

Las wik ol Broncos i bin pundaun long han bilong ol Rabbitohs. Dispela i brukim tripela win bilong ol i kam inap las wik.

Dispela bai ol i lukim olsem wanpela liklik hevi tasol, na bai ol i traim long kisim bek win agensim Eels.

Bikpela lus bilong ol Eels agensim Penrith tupela wik i go pinis, i lukim ol i senisim tim bilong ol.

Kosa Ricky Stewart i givim nupela tim bilong em wanpela moa sans. I nogat wanpela nupela nem insait long tim bilong las wik.

Long Broncos, Justin Hodges i kam bek long injuri, na suvim Jordan Kahu i go long wing, na Lachlan Maranta i no inap kisim fil.

Josh McGuire na David Stagg i winim ples long bens, na dispela i ken senisim nem bilong David Hala na Jarrod Wallace.

Fulbek bilong Broncos, Corey Norman bai traim mekim nem bilong em gen na traim namba wan bilong Blues.

Lukaut Eels: Senta Justin Hodges i kisim wan wik malolo na bai skin kirap long pilai strong. Em i wok hitim fom bilong em gen, wantaim 125 mita ron na siksipela takol rek olgeta gem. Lukluk long Origin Namba 1, Hodges bai soim mipela watpo Mal Meninga bai pikim em yet, maski em i gat wanpela lek tasol.

Lukaut Broncos: Insait long dispela belwari bilong Eels, nupela senta Jacob Loko em i wanpela long ol pilaia husat i simenim pinis posisen bilong em. Las wik em i paia tru na ronim bal 157 mita. Em i sindaun wantaim Jarryd Hayne long brukim difens lain 44 taim, namba tu tasol long Greg Inglis (53) long 2013. Broncos mas lukaut, nogut ol strongpela ron bilong en long sait i ken salim winga bilong em Ken Sio long trai lain.

Oi Ki Metsap: Jarryd Hayne na Corey Norman. Long dispela gem, yumi bai lukim Eels fulbek nau i stap long wanpela sait, na nupela Eels fulbek bilong 2014 long hapsait.

Norman bai traim long soim strong long ai bilong fiutsa kosa, ol tim met, na ol fen.

Mi wok stadim Sonny Bill, Horo i tok

JUSTIN Horo i tok em i wok long glasim gut gem bilong Sonny Bill Williams na em i redi long bungim em taim Manly i kisim Sydney Roosters neks wik Mande nait.

Ol Roosters inapim pinis 208 points insait long dispela namba wan etpela raun bilong kompetisen. Na planti long ol dispela pin i kam long strong bilong Mitchell Pearce, Williams, Shaun Kenny-Dowall, na Roger Tuivasa-Sheck.

Horo i tok em i save laikim tru pilai bilong Williams, bihain long em i kam bek long ragbi yunion.

"Em i no misim wanpela step yet bihain long em i kam bek long lig," Horo i tok. "Mi lukim olsem em i senis i go pilai long raithan sait.

"Na mi wok long lukluk bihain pilai bilong em, na mi lukim olsem mi bai bungim em yet, na mi redi."

Long Mande dispela wik, Manly i mekim bikpela difens wok tru taim ol i daunim St George-Illawarra, 24-18.

Nau Horo bai bungim bikpela salens agensim Sonny-Bill, husat i halivim Roosters long kamap namba tri ples long lada - wanpela poin antap long Manly.

"Williams em i bikpela lukluk bilong mipela," Horo i tok. "I gat sampela ol pilaia long resis we yu mas was long of-lod bilong ol. Na tru, Sonny i ken oplodim bal, tasol em i gat sampela gutpela pas long lain tui stap. Mipela mas redi na stap."

Horo bai kisim strong long lephan sait, long Steve Matai, husat i kam bek bi-

hainim wan-wik saspensen long hai takol long George Burgess bilong South Sydney.

Matai bai no inap senisim strongpela kain pilai bilong em agensim Williams, husat i bin wan-skul bilong em long Mount Albert Grammar long Oklen, Nu Silan.

"Mi bin makim em long namba wan yia bilong mi long NRL (long 2005)," Matai i tok.

"Yu mas go insait strong. Yu mas pasim sans bilong em long tingting, na traim rausim bal long han bilong em kwik."



GLASIM GUT: Horo tok em i glasim pinis pilai bilong Sonny Bill na i redi long bungim em.

Stewart hevi opim dua long Hayne

BAKSAIT birua bilong Brett Stewart i opim dua pinis long kam bek bilong Jarryd Hayne olsem fulbek bilong Nu Saut Wels Blues.

Stewart, husat em i namba wan Blues fulek, i no inap pilai wan mun, bihain long em i brukim hap bun long skru bilong em long gem agensim Manly dispela wik Mande nait.

Nau em bai no inap stap long namba wan gem bilong Orijin long Jun 5.

NSW Kosa Laurie Daley i bin makim Josh Dugan long pilai fulbek long stat bilong sisen.

Tasol bipo Canberra boinogut i bin lus taim Raiders i rausim em, na Stewart i bin gat sans.

Nau Daley mas tingting gen, pastaim long em i nemim namba wan NSW sait bilong em, long Me 26.

Maski em i gat 25 krismas tasol, Hayne em i namba wan Orijin pilaia wantaim 16-pela orijin gem aninit long nem bilong en bihain long em i kamap long wing bilong Blues long 2007.

Nau em i mekim nem olsem ko-kepten bilong Eels, na i bin winim Dally M Medal long 2009 bihain long em i karim Eels i go long gren fainal.

Tasol em i pilai fulbek bilong Blues, tupela taim tasol, aninit long Craig Bellamy long 2010, taim Maroons i winim tripela gem olgeta, na las yia, taim em i pilai long wing.

Sapos Daley i lukluk long Hayne long kam bek olsem fulbek, Nathan Merritt bilong Rabbitohs, na Akuila Uate bilong Knights, bai resis long sanap bosim wing.



STEWART: Aut wantaim birua long skru.



HAYNE GAT SANS: Fulbek o wing?

Uate i bin pilai long gem wan na tu las yia, tasol ol i rausim em long gem namba 3 long Brisben.

Merritt i wet yet long pilai Orijin, maski em i gat 146 trai long nem bilong em, insait long 208 gem.

Long City-Country gem long las mun, Uate i autim Merritt.

South Sydney Kosa Michael Maguire i tok sapatim Merritt, na tok em i redi pinis long pilai Orijin.

"Mi save olsem em i ken hendolim Orijin," Maguire i tok long Trinde. "Em i save mekim olgeta wik long South Sydney. Sapos em i gat sans, em bai no inap isi long pilai strong."



SPOTS DRO RAUN 9

Fraide: Me 10, 2013



ANZ Stadium

Rabbitohs V^s Cowboys



Allianz Stadium

W/Tigers V^s Sharks



Sarare: Me 11, 2013



Westpac Stadium (NZ)

Warriors V^s Bulldogs



Parramatta Stadium

Eels V^s Broncos



Sande: Me 12, 2013



Canberra Stadium

Raiders V^s Knights



Skilled Park

Titans V^s Dragons



Centrebet Stadium

Panthers V^s Storm



Mande: Me 13, 2013



WIN Jubilee Oval

Sea Eagles V^s Roosters



Raun 8 Poin Leda

Pos	Tim	W	L	Pts
1.	Storm	7	1	14
2.	Rabbitohs	7	1	14
3.	Roosters	6	2	12
4.	Sea Eagles	6	2	12
5.	Knights	5	3	10
6.	Titans	4	4	8
7.	Broncos	4	4	8
8.	Cowboys	4	4	8
9.	Raiders	4	4	8
10.	Bulldogs	3	4	6
11.	Sharks	3	4	6
12.	Dragons	3	5	6
13.	Panthers	2	6	4
14.	Warriors	2	6	4
15.	Eels	2	6	4
16.	West Tigers	2	6	4

FM100
PNC's Information & Music Leader

FRIDAY 10 MAY

7.45PM
ANZ STADIUM, SYDNEY

SATURDAY 11 MAY

7.30PM
PARAMATTA STADIUM

SUNDAY 12 MAY

2.00PM
CANBERRA STADIUM

LIVE GAME CALLS

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NUC 100.3	RAMU 100.3	TOLLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATOFA 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.6	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

OI Spot Eksen poto long wiken...



OI Poto Nicky Bernard.

TRIPLELA WINA: OI tripela wina bilong Trukai husat ol go pas long baim planti ol fan ran t/sot long taim Trukai i mekim oksan long Pot Mosbi, Tisa Seavings na Lon, IBS, Ges spika Rayan Pini NGCB na Spot Federesen Seketeri



HOLIM LONG HAP: Rana bilong Eagles i kisim bes hariap tru taim pilaia bilong Bradas i traim long autim em.



RAGBI: Senta bilong Isapea wantaim bal i step karangi long pilaia bilong Lions taim tupela bung long Sande Digicel Kap resis long Pot Mosbi.



Golf wina long Morobe Open, Lincoln Tiche i putim bal bilong go long ol, em no laki long Export PNG Open na mekim em kam namba 2.

- Weekend Sports Draws -

Digicel Cup Round 5

Home	Away	Venue
SUNDAY, 12 MAY		
Snax Tigers	vs. SNS Vipers	Lae
Enga Mioks	vs. Bintangor Lahanis	Wabag
Gulf Isapea	vs. Agmark Gurias	Port Moresby
TNA Lions	vs. Wamp Nga Eagles	Kundiawa
Mendi Muruks	vs. Hela Wigmen	Mendi

TOKSAVE: Salim ol spots dro bilong yu kam long Feks; 325 2579, e-mel;bveo@wantok.com.pg o kam lusim long Wantok Niuspepa opis long Able Building Complex long Central Waigani, NCD.

Mosbi brukim nupela rekot long Fan Ran T-Siot Oksen

Nicky Bernard i raitim

DISPELA yia Trukai Fan Ran T/Siot Oksen long Pot Mosbi i kamapim nupela rekot we dispela amamas ron bai kamap long 23 de bilong Mun Jun long dispela yia.

Total T/Siot long Pot Mosbi Trukai salim long oksen em 56,300 wantaim tu long tripela jesi bilong Not Kwinslen Cowboys. Long dispela nait, Trukai i mekim mani mak long K566,100.

Trukai tu bin go mekim oksen long Lae we planti bilong ol Bisnis bin go kamap

long dispela nait long baim ol T/Siot bilong ol.

Papindo bin go pas long olgeta long Lae we em baim moa long 3200 t/siot, bihain long en em Consort 3100 t/sot na namaba tri em Mapai transport wantaim 2500 total mani ol mekim long Lae wantaim tupela jesi bilong Not Kwinslen em K226,900.

Long Pot Mosbi em Nesenel Geming Kontrol Bod(NGCB) i bin go pas long dispela oksen we em kisim moa long 15,800 t/siot na Institut Bisnis Stadi na Tisa Seving na Lons kamap namba tu wantaim 3,900 t/sot ol kisim na ron beksait long ol em

SVS wantaim 3,800 na PNG Pawa wantaim long 3,000.

Dispela Oksen bilong ol T/Siot i givim moa long 191 skul long ron insait long dispela Fan Ran long dispela yia wantaim tu bai karim nem bilong ol dispela lain husat i baim T/Sot bilong ol. Dispela Trukai Fan Ran, ol save reisim mani bilong salim Tim PNG long go pilai long ol mini gems na ol narapela bikpela pilai.

Dispela yia Lae na Pot Mosbi i mekim moa long K793,000 wantaim ol dispela Trukai T/Sot na 5-pela bilong ol jesi bilong Cowboys.

Presiden bilong PNGFOC,

Se John Dawanicura, i tok bikpela tenkyu i go long Trukai long kamap dispela Fan Ran long olgeta yia long helpim Tim PNG long ol wok-about bilong long go pilai long ovasis.

Em tok tenkyu i go long Air Niugini na Courts long givim ol bikpela prais i go long wina husat ol baim planti bilong ol t/siot na tu i go long ol Bisnis haus husat bin kam long oksen na bai sampela bilong t/sot.

Long dispela yia mani ol mekimbai helim ol salim Tim PNG go resis pilai long Walls na Futuna long Septemba dispela yia.

Pasifik MMI sponsaim 2015 SP Gems

2015 SAUT Pasifik Gems i kisim narapela Silva sponsa kam long Pasifik MMI Insurens, dispela bai mekim silva sponsa i go antap long foa.

Pasifik MMI em wanpela long bikpela Insurens insait long Papua Niugini, na spot em wanpela bilong ol samt-ing ol save laik long helpim.

Long dispela wik, Pasifik MMI Insurens i givim K500,000 i go long Saut Pasifik Gems komiti long redim ol wok bilong dispela bikpela pilai we bai kam long kantri bilong yumi.

Long kisim dispela sek mani, Minista bilong Spot na SP Gems Justin Tkatchenko i kisim na tok tenkyu i go long MMI long sapot bilong ol long ol spot insait long kantri na tu dispela bikpela Saut Pasifik Gems.

Em tok ol wok rere bilong SP Gems i wok long go het, na pilai bai kamap long taim ol makim long kamap.

"Ol wok long ples bilong slip i go het pinis, na ol sampela ples bilong pilai tu, Se John Gais Stadium bai pas klostu long ol pilai inap long



tupela yia olgeta. Dispela em bai ol kontrak lain bai senisim liklik na redi long opening bilong pilai.

Menesing Darekta bilong Pasifik MMI Insurens Wayne Dorgan i singaut i go long ol narapela bisnis haus long kam insait na helpim gavman long sponsaim dispela SP Gems we bai kamap long kantri bilong yumi.

Kokopo bai lukim kikkboxing tonamen

Michael Novingu i raitim

OX&PALM Niugini Ailan 8-man kikkboxing tonamen bai kamap long Vunapope Katolik haus kibung long Kokopo long dispela wiken.

Bosman bilong PNG Kikkboxing Asosiesen, Eddie Kavina, i kam long Kokopo long dispela wik fonde na i amamas long lukim ol wok rere bilong dispela tonomen bai go het.

Em i tok tenkyu long Siaman bilong Ogenising Komiti na bosman bilong spot long Is Nu Briten, Emmanuel Laplapir, wantaim wok-lain bilong em long karimaut gutpela wok long tonomen bai go het long dispela wiken.

Mista Kavina i tok olsem em i no wanbel long ol bisnis, lidaman, na manmeri bilong ENB long ol askim ol i givim i go long kisim helpim long ol long sait bilong mani na ol arapela samt-ing long kamapim tonomen i go het long dispela wiken.

Em i tok spot em i wanpela samt-ing yumi mas wokbung wantaim bai kisim developmen i kam long provins long kirapim gutpela sindaun bilong ol man-

meri long ol komyuniti bilong ol.

Kavina i tok kikkboxing i winim planti medal long 2012 PNG gems i apim tim ENB long winim 2012 PNG Gems.

Em i tok nupela 8-man tonomen ol i kirapim long ol rijen long kantri long makim ol gutpela paitman long lukim las man bai kamap wina long makim kantri long K-1 profesional pait long Japan long 2014.

"Taim bilong tonomen i kam klostu nau na nogat sapot olsem mani na ol samt-ing i kam long ol lidaman na ol bisnis haus long provins i no stret," Kavina itok. Moyet emi Singaut igo long ol lidaman bisnis haus na manmeri bilong ENB long givim helpim long ol long karimaut tonomen bai go het long dispela wiken.

Kavina i tok tenkyu long namba tu Prais Minista Leo Dion long sponsaim ol paitman bilong Is Nu Briten wantaim K5,000 long stap long Sauten Rijin 8-man kompetisen long Pot Mosbi long mun Mas, 2013.

Em i tok olsem ol tim bai kam long Manus, Nu Ailan, Otonomas Rijin ov Bogenvil, Wes Nu Briten, na asples provins yet ENB bai stap insait long dispela tonomen long dispela wiken.



Nesenel Soka Lig nogat inap luk-save long painim ol nupela talen

LONG taim bilong kirap bilong dispela semi profesional soka lig i kam inap nau, kwolati bilong ol pilaia ol i kisim bilong makim ol klab, i no luk strong. Ating olgeta klab i no mekim inap wok.

Tingting long baksait bilong NSL em i gutpela, bikos em i resim level bilong spot, tasol kwolati bilong ol pilaia i no wankain. Kantri bilong yumi i no inap lukluk i go longwe long painim gutpela ol strongpela soka pilaia we yumi ken strongim ol i kamap ol soka supasta.

Bikos soka em i wanpela long ol nambawan spot pilai long kantri, em i gat planti savemanmeri bilong pilai i stap. Na we ol klab i ken kisim ol pilai long en. Olgeta kona bilong kantri, bai yu ken painim wanpela hap spes wantaim tupela pos i sanap long wanwan sait bilong fil, na olgeta kain pikinini i save pilaim dispela gem.

Samtong mi laik tok, em klab menesmen i no lukluk gut long painim. Dispela i min olsem ol klab skaut bai mas go aut na painim ol talen. Dispela i nidim risos long mekim kamap gut dispela wok. Moa risos klab i yusim, mobeta ol risal em bai lukim.

Taim yu lukluk long ol hiden talen, i gat ol arapela eria klab menesmen i mas lukluk long en. Ol eria olsem strongim laip an sindaun bilong ol, olsem kaikai, haus o rum-silip, trenspot, ol alawens, wok na ol arapela samt-ing. Hia, yu bai lukluk long sindaun bilong ol pilaia, taim ol i kam tren long pilai makim klab bilong yu.

I tru olsem dispela wok bai kaikaim bikpela hap mani bilong klab, tasol long longpela taim bihain, bai yu ken lukim kaikai bilong dispela hatwok. Klab menesmeni mas sindaun na plenim ol rot bilong yusim gut mani, na wanem kain kaikai bilong wok, ol i laikim.

Mi laik givim sampela ol aidia we i ken halivim yu long karimaut dispela wok stret. Pastaim long yu nominetim klab bilong yu long go insait long Nesenel Soka Lig, yu mas save pinis long ol kain pilaia yu nidim. Dispela bai stat long golkipa, ol difenda, ol midfilda, na ol straika. Kwolati bilong ol pilaia bai makim stail bilong yu long pilai.

Ol teknikal wokman bilong yu, olsem ol kosa, trena na tim menesa i mas givim planti tingting long dispela sait. Sapos yu nidim ol ol-raunda pilaia, yu mas lukluk gut na painim.

Mi save olsem i mas i gat planti ol pilaia i hait stap, husat i wetim sans tasol long soim strong na save bilong ol long pilai.

Mi save olsem ol kain pilaia ol i makim, em i no gutpela tumas, bikos i gat planti arapela samt-ing i stap we mipela i no inap long senisim. Samting olsem ol risos mipela i gat, em i wanpela bikpela samt-ing we i pasim wok painim bilong yu.

Sanapim ol skaut bilong yu long ol eria we soka em i bikpela, long painim ol pilaia yu nidim.

Em nau, stretim rot long kisim ol i go long kem. Sapos ol pilaia i no soim strong, em i rait bilong yu long pinisim skolasip bilong ol na senisim ol wantaim ol arapela we yu makim pinis.

Yu mas redi pinis long neks sisen i kam. Traim sampela ol samt-ing mi givim pinis, na lukim wokabout bilong yu. Tasol wanem samt-ing yu mekim, bai inapim hatwok yu givim long dispela wok.

Man Kiwi winim PNG Open

Nicky Bernard i raitim

PIETER Zwart i kam long baksait long winim 2013 SP Export PNG Open taitol bihain long em i ron long namba 3-ples long foapela de tonamen long Royal Pot Mosbi Golf Klab.

Zwart i bin pilai gut tru long tripela de we em stap klostu long tupela man i go pas long em, wina bilong Morobe Open Lincoln Tighe, tu i ron long namba tu ples long namba tri de bilong tonamen tasol i painim hat long kam namba wan long laspela de.

Zwart, husat i tanim kamap profesional i no long taim go pinis, na tu em namba wan taim bilong em long kam pilai long PNG Open.

"Tripela de mi no kisim gut poin bilong mi na mi ting olsem bai mi no inap long mekim go tru, tasol poin bilong mi i stap klostu long tupela lida man, na dispela laspela de mi putim olgeta tingting long pilai na mi kam bihain long winim dispela taitol na em bikpela moa long ol narapela Pasifik Ailan mi save go pilai long en," Zwart i tok.

Zwart i kisim bikpela prais mani long Australia Dola 24,723 na namba tu bilong em kisim 14,273. Dispela yia resis bilong SP Export PNG Open Golf em bikpela prais mani long en. Moa long 30-pela profesional man bin resis long dispela prais mani na planti kam aut long Australia na Nu Silan(New Zealand).



Moa oil na meat insait



JUSTIN HODGES: Kam bek.

- Pes 25

Ol spot poto na Digicel Kap dro
 - Pes 26

Spot Raun
 - Pes 27

NAMBAWAN: Pieter Zwart sindaun namel long ol sapota bilong em long Royal Pot Mosbi Golf Klab bihain long Spot Minista Justin Tkatchenko i givim grin-pela jaket. Lukim Stori bilong em insait long pes 27. *Poto Nicky Bernard.*

Johnston's Pharmacies Ltd



**Tabu Colognes
 Perfumes**



Happy Mothers Day

Sunday May 12, 2013

P.O. Box 1066 Boroko
 Phone: 325 3185, Fax: 325 0190
 Email: sales@johnstons.com.pg